

# *PONO EA PATMOSE*

 ...Joalokaha Moena Neville a entse litsebiso tseo, ho thoe Moena Moore o buile tsatsi le leng, a bua ka Moea oa Morena, ho kena . . . ho kena moahong. A re, “Ho monate haholo ka mono ka ba ka hopola Hloibilo e tlide hofihlela ke qamakile, ka bona ba bang ba lutse mona,” ho re, “che, ha eso fihle, hoba haeba—haeba ba sa le teng mona le ’na ke a tseba ke teng mona.” Ka linako tse ling Moea oa Molimo o loka hakaalo ho rona.

<sup>2</sup> Re thabetse ho bona metsoalle e mengata ka mohahong. E mengata haholo ho leka ho e bitsa. Ke tsoa tsoa hlokomela, ho kena monyako, Moena Carpenter, monna ea nyalisitseng ’na le mohatsa ka. Moena Carpenter, ebile leseho le leholo ho rōna mona kerekeng, ebile leseho ho rona ka mokhoa oa bosebeletsi bona, o batla a rera, nkare hohle. ’Me re thabetse ho ba le eena kahare, oh, le ba bang ba bangata.

<sup>3</sup> Joale mona ke fuoe potso e ’ngoe maobane mantsiboea:

**Moena Branham, na baroetsana ba bahlano ba maoatla ba Mattheu 25 ba nkuoa e le masalla a Balichaba? Ha ke utloisia baroetsana ba bahlano ba maoatla ba bolokehile feela ba tlameha ho feta mehla ea matšoenyeho a maholo. Na e joalo? Haeba ho le joalo, pheletso ea bona ea qetelo e tla ba efe? Na e ka ba linku tse khethoang ho lipoli ho Mattheu 25:33 le 34?**

<sup>4</sup> Ke moithuti ea khabane oa thutabomolimo ho latela seo ke . . . [Sekheo lebanteng—Mohl.] . . . ho e nahana le ’na, hore ke masalla, moroetsana ea robetseng ke masalla a boleloang ho Tšenolo; a peo ea mosali a bolokang melao Molimo ’me ba na le bopaki ba Jesu Kreste. Mosali o nka e—e likotoana tsa lintho o li ala fatše; be, joale, ke seo a se sehang . . . kapa o nka paterone ea hae o e ala ka boithatelo ba hae, kamoo a tlang ho e seha. Seo a se sieang se bitsoa masalla, empa o khetha ho e seha a qala nqa e ’ngoe mohopolong oa hae o lokolohileng. Empa ho salang ho bitsoa masalla.

<sup>5</sup> Joale, ha u ka elelloa, baroetsana ba bahlano ba maoatla le ba bahlano ba bohlale; bohle e le baroetsana, ba entsoe ka thepa e le ’ngoe. Empa, ka khetho, Molimo o khetha Monyaluo oa Oona ka khetho pele ho motheo oa lefatše, ho ngola mabitso a bona Bukeng ea Bophelo ea Konyana e hlabiloeng pele ho motheo oa lefatše; le pele lefatše le ka qala, Molimo mohopolong oa Oona, e leng mohlokaphello.

<sup>6</sup> ’Me ka linako tse ling re sebelisa lentsoe, ke “boitherelopele,” empa mongoaheng oa kereke oo re phelang ho ona ke sekaga. Ruri e ne e le ntho ea tonana e sebelisoang litšiung tsa ba bashoelatumelo, hoba ba hlile ba e lumetse. Empa hona joale e tlohile ho Lona, ho fetela menahanong ea molao, thuto e eang ka

molao kerekeng e tlang . . . Athé e ne e le ntho e molemo, kaha ntho eohle e ile ea fetoha bo-Calvinisi koana Engelane hofihlela ba sitiloe ho tšoara tsoseletso hape, 'me John Wesley a fihla a rera thuto ea bo-Arminiane ea bo tsitsisa. Molimo o tla e lekanya kamehla.

<sup>7</sup> Ka hona moroetsana ea leoatla ke ea hlokileng oli lilamping tsa bona, eo ke lumelang a lahletsoe lefifing le kantle moo ho leng lillo, liboko, le litsikitlano tsa meno. 'Me ha u ka e bapisa, kapa lintlha tsa hau tsa maoto, li tla e potlakisetsa hape matšoenyehong a maholo. 'Me ke hopola e le bona ba sallang ho feta matšoenyehong a maholo. 'Me mono ke thuto ea tonana, holane re na le nako ho kena ho eona. Haeba u . . .

<sup>8</sup> Joale, hopolang, ke e buile pele, moo u utloang liteipi, "Lintho tsena li kamoo ke li hopolang li lokile." Le a bona? Joale, haeba li fosahetse, Ha ke—ha ke li tsebe joalo. Ke . . . 'Me nka bolela feela seo ke se lumelang. 'Me ha ke a ikemisetsa ho hlabe hisa maikutlo a mang. Re tšoanelia ho li beella kathoko ha re kena, le ho nka ntho e boletsoeng, le ho e hlahloba, le ho bona haeba ehlile e le Mangolo kapa che. Ke boo bokhabane ba ho e sebetsa. Ka hona . . . Hobane letsatsing le joaloka leo re phelang ho lona joale, sechabeng se qololitsoeng hape le hape le hape le hape ka mefuta eohle ea lintho tsohle, be, ho thata ho khontša batho ho e qhautsa kannete, joaloka lebatooeng le esong ho angoe. U a ba bolella, ba e lumela, e tsamaea joalo.

<sup>9</sup> Empa, joale, e mong o tla fihla ka monahano *ona*, le e mong a fihle ka mohopolon *ona*, 'me re fumana likereke tsa malumeli tse makholo a robong le ho hong kathoko, 'me e 'ngoe e khahlano (thuto ea hae) le e 'ngoe; e mong o tlameha a be a fositse, le e mong a lokile. Ka hona bopaki ba eona bo inotši, ke ho e khutlisetsa Bibeleng; le a bona, ho lumella Bibe. Joale, hangata, batho ba kenya boitlhalosetso. Empa re leka ka bokhoni ba rona, ho se itlhalosetse eona ka botho. Ho E bala ka mokhoa oa Eona feela, le ho re, "Ehlile E joalo."

<sup>10</sup> 'Me haesale ke lemohile, ha u ka nka feela seo A se boletseng, se tla nyalyana sohle le Lengolo hantle. Ho itšoanelia le ho teanya malataliana a phazele, u sheba paterone pele u kopanya malataliana a phazele ka nepo. Ha u sa etse, ke buile khafetsa, "U tla rala e . . . Temeng ea hau, u tla fumana khomo e fulang joang holima sefate." Ka hona e—e ke ke ea shebahala hantle feela.

<sup>11</sup> 'Me ha re ka lumella Moea o Halalelang feela . . . Ke mang ea ngotseng Bibe? Moea o Halalelang o susumelitse banna oa ngola Bibe. Ka hona kantle ho Moea o Halalelang, ho sa tsotelehe u rutehile hakae, u ke ke oa E utloisia. Hobane esita le Jesu o lebohile Molimo hobane A E patetse mahlo a ba bohlale le ba masene, le ho E senolela masea a batlang o ithuta. 'Me e mong le e mong hara barutuoa bonnyane ba ne ba sa bala ba sa ruteha haese a le mong, 'me e le Pauluse. 'Me Pauluse o boletse a

tlamehile ho lebala sohle seo a se tsebileng ho fumana Kreste. Ka hona o boleetse kereke ea Korinthe, eena “ha a fihla ka bohlale ba motho le ka puo e phahameng,” hobane ha ho le joalo tumelo ea bona—ea bona e ka theoa bohlaleng ba batho, empa o tlie ho bona ka ponahatso ea Moea o Halalelang, tumelo ea bona e tle e theoe mesebetsing ea Moea o Halalelang ho ea ka Lentsoe la Molimo. ’Me ke hona moo re lekang ho likalika haufi haholo, hona joale, hobane pele veke e fela, kapa ha veke e fela, le tla e bona, esale e le eona hantle, thaponyana eo e haolang le mongoaha ho tla joalo.

<sup>12</sup> Ke le leboha ka ho phahamisetsa boto holingoana. E shebala betere.

<sup>13</sup> Joale, oh, re . . . ekare re ka be qeta mariha ohle feela, re tle re nke Buka ea Tšenolo eohle re haole le Eona. Ke lithuto tse ntle feela ka mono. ’Me ke hopola, e ka ba lilemo tse mashome a mabeli kapa tse mashopeli hlano tse fetileng, mohlang oo kereke e sa le ncha, re ne re qale . . . phakela sehla se seng, ra batla re kenella sehla se hlahlamang, ho haola le Buka ea Tšenolo.

<sup>14</sup> Joale, ke sa hopola ke tšoara Buka ea Jobo. Oh, Moena Wright! Ka likalika ho eona mosali a ba ’ngolla a mpotsa, a re, “Moena Branham, ana u sa tla theola Jobo thotbolong le ka mohla?” Be, e le ha ke leka ho etsa ntlha, hoba ntho eohle keha e bokane mono, sebakeng seo; hofihlela moo Moea oa Morena o ttileng ho eena, eitseha lehalima le qala le tsekema le lialuma li rora, Moea oa theohela holim’ a moporofeta ‘me a bona ho tla ha Morena. E le ha ke batla ho honyella lapeng, lebaka la ka ho mo lulisa thotbolong halelele hakana, e le ho re—e le ho re khone ho taka ntlha. ’Me ke tseba e ka batla e khathatsa, ba bang. Ke tšoaroa ke methapo, le nna, ha ke utloa motho a oka-oka holim’ a taba, eka o tla tsoa tema a e otla. Empa ekaba Molimo o tataisa motho eo ka morero oo.

<sup>15</sup> Joale morao ho masalla ana, pele re tlohela potso. Ke tšepa ke e fumana ka ho hlaka. Sena . . . Ke lumela ruri hobane masalla a khethoa ke Molimo. Ke—ke a e lumela, Molimo o khethile masalla pele ho motheo oa lefatše; hoo ka bokhoni ba Oona ba “boitsebelopele.” Ha se lentsoe . . . Joale lemoha *boitherelopele*, le a bona, hoba lentsoe leo ke leqeme bathong. Le a bona? Empa Molimo, pele ho motheo oa lefatše, mohopolong oa Oona o moholo o hlokang pheletso, o khethile Kereke, oa khetha Jesu, oa khetha Kereke, ka bokhoni ba ho lepa qalong se tlang ho hlaha qetellong. O . . . Haeba E le mohlokapeletso, ha ho letho seo O sa se tsebang. O tsebile letsetse ka leng le kileng la ba holim’ a lefatše, le makhetlo ao le tlang ho taba-tabanya mahlo. Joale, ke kamoo feela . . . le tšotso eo le tlang ho e fehla, le bokaalo boo tsohle mmoho li tlang ho e fehla. Ke ho hlokapeletso hoo, ke bohlokapeletso; u—u . . . ha ho mokhoa oa ho E hlalosa. ’Me Molimo, ke seo O leng sona, ke Molimo mohlokapeletso.

<sup>16</sup> Ka hona, ha u ka elelloa, Bibebe e boletse antikreste a tla fihla lefatšeng matsatsing a bofelo . . .

<sup>17</sup> Joale mamejisang! Ke sona feela sepha . . . ke tšepa a ka fumana tse limilione ho 'na. Empa mabapi le Moena Billy Graham oa rona ea theko e thata, letsatsi le leng, theru e hlokomelehang eo a e rerileng Sontaha se fetileng, 'me ka hopola ruri e le molaetsa o nakong. 'Me . . . empa o itse "Satane o se a bile a thetsa Mokhethoa."

<sup>18</sup> Che, Bibebe e itse, "A ka thetsa le bona Bakhethoa *hola* ke ntho e ka etsoang." Empa ha se ntho e ka etsoang, hobane Molimo o ba khethile pele ho motheo oa lefatše. Le a bona? Eona Konyana . . . Jesu Kreste e ne e le Konyana e hlabiloeng e sa le ho theoa lefatše. Molimo ha o e beha mohopolong oa Oona, ha O bolela Lentsoe leo, Le ke ke la fetoha le ka mohla, Le ke ke la hlanotha. Le a bona, hobane Ke—Ke e—Ke mohlakapeletso, 'me Lentsoe la Oona le tla etsahala.

<sup>19</sup> Nahanang feela, lona lena . . . lona lefatše leo re hatileng holim'a lona bosiung bona ke Lentsoe la Molimo le bonahetseng. Lefatše le ne le boptjoe hammoho ka lintho tse sa bonahaleng. O itse feela, "Ho hlahe ho re," ha eba joalo. Ho bonolo hakakang ho Molimo ho folisa 'mele o kulang, haeba O ka haha popo ka puo feela. Le a bona, Lentsoe la Oona. Holane ra ba le tumelo ea ho bona seo Lentsoe la Oona le leng sona! Re tsetetsoe lefatšeng re hlakane hakaale kelellong ea rona hoo re . . . Oh, ha ke tsebe. Re entetsoe litokomane tse ngata hakaale, nalete e tsoang ho enoa, le nalete e tsoang ho eane, 'me—'me e se bile e tšopahane feela. Empa holane u ka hlochlora ntho eohle, ho khutla le Mo tseba e le Molimo, le Mantsoe a Oona a ke ke a hloleha joalokaha le oona O ke ke oa hloleha. 'Me ha Lentsoe leo le hloleha, Molimo o ka hloleha; 'me ha Molimo o hloleha mono . . . Ha se Molimo. Le a bona? Ka hona . . . 'Me le hopole, O ke ke oa bua taba *mona* le taba e sele ka *mona*; O tlameha ho lula qetong ea Oona ea pele hore e tle e be Molimo. Ka hona, re mpa feela re fu . . .

<sup>20</sup> 'Me O re kopile ho le hong feela, ho lumela seo O se boletse e le 'Nete, 'me O tla e phethisa. Oh, ho babatseha hakakang! U lebeletse ntho e etsoang ka botaolo; ka linako tse ling e itlhokela tumeloana feela. E ke ke ea etsa mohlololo, empa ha u ka e tiisetsa, e tla u ntša; ke ho e tiisetsa hantle feela. Joalokaha A buile, "Peo ea mosetareta, e nyenyane ka ho fetisa hara lipeo tsohle." Empa na le lemoohile, mosetareta ha u tsoakane le letho le sele. U ke ke oa futsoela mosetareta le letho, o ke ke oa nyalisoa. 'Me ha tumelo ea hau, tumeloana e nyenyane e ke keng ea lubakana le hoselumele hofe kapa bokereke kapa litšomo, tiisetsa Molimo hantle feela, E tiisetse hantle feela, E tla u fetisa hara moholi hantle, ho u ntša hantle. Yaa! Tsitlallela tumelo eo.

<sup>21</sup> Joale, qalong, mohla Molimo . . . Bibebe e boletse, ho Tšenolo, ho thoe "Antikreste, matsatsing a qetelo . . ." Joale shebang

likereke tsena tsohle tse teanang 'moho. "Antikreste, matsatsing a qetelo, o tla thetsa bohle lefats'eng bao mabitso a bona a sa kang a ngoloa Bukeng ea Bophelo ea Konyana e sa le ho theoa lefatše." Lebitso la hau le ngotse neng Bukeng ea Bophelo? Le pele re fumana lefatše, le khethiloe ho amohela Moea o Halalelang mongoaheng ona.

<sup>22</sup> Ke iteantse le Eddie Perronet:

Ke ankorile moea oa ka koung ea phomolo,  
Ho se sesise maoatle pelaelo hape;  
Leha sefefo se foka holim'a boliba bo hlaha, ba  
leoatle,  
Empa ka ho Jesu re bolokiloe kamehla.

<sup>23</sup> Ha ho letho le ka re arohanyang (Molimo o ke ke...ha U hlanohele Lentsoe la Oona. 'Me haeba E le mohlokaphello, 'me A u abela Moea o Halalelang *mona*, athe O tseba a tla lahleheloa ke uena tlase *mona*, ebe O laola khoebo ea mofuta mong?), haeba u sa thetsoa boiphihlelong ba hau, haeba u na le Moea o Halalelang. Empa sheba seo Bibele e se boletseng, Baefese 4:30, "Le se ke la soabisa Moea o Halalelang oa Molimo, o le tšoaetsoeng hofihlela..." Tsoseletso e latelang? Na e utloahala hantle? "U tšoailoe ho fihla letsatsi la topollo ea hau!" Nako e kae? Ho fihlela topollo ea hau.

<sup>24</sup> Ha u ts'oara lekouchu, u le phahlela seporong, 'me hoba le laeshuoe ka phetheho...Joale, ha ba eso koale lekouchu leo, mohlahlobi o tlameha ho feta. 'Me o a hlahloba, o sheba letho le lokotsehang. Lekouchu le ka... Lekouchu le ka phahleloa la tlala, empa ha le na le libaka tse lokotsehang, u tlameha ho le phahlela hape. 'Me ke bona bothata, bongata ba rōna re sa fumaneng Moea o Halalelang; ha mohlahlobi a feta, O fumana litulo tse ngata li lokotseha, le a bona, ka hona A ke ke a e tiisa le joale.

<sup>25</sup> Moithuti e moholo oa thutabomolimo o mpone letsatsi le leng, kapa ha se letsatsi le leng, ho batla ho fetile lilemo tse tharo kapa tse 'ne, a re, "Ke batla ho o botsa taba." Ho re, "Abrahama o lumetse Molimo, 'me a balloa hoo hoba ke ho loka."

Ka re, "Ke 'nete eo, hantle."

Ho re, "Ebe motho a ka etsang ho fetisang ho lumela?"

Ka re, "Ke phetho seo a beng a ka se etsa."

<sup>26</sup> A re, "Joale u habile kae ka nyee ena ea Moea o Halalelang kathoko ho moo?" Joale, le a mo tseba e ne e le Mobaptise. 'Me o itse—o itse, "U habile kae ka Moea o Halalelang ona?" Ho re, "Haeba motho a lumela! Motsotso ha u lumela, u se u amohetse Moea o Halalelang."

Ka re, "Che, che. Joale, u—u etsa khohlano Mangolong, Mangolo ha a Itoantše. Le a bona? Pauluse o ba botsitse, 'Na le amohetse Moea o Halalelang *esale* le lumetse?'"

'Me a re, "Be . . ."

<sup>27</sup> Ka re, "Ke 'nete Abrahama ntata tumelo o neile . . . o ne a tšoere pallo ea Molimo 'me a lumela Molimo, 'me a balloa hoba hoo ke ho loka, empa O mo file tiiso ea lebollo e le pontšo e reng O amohetse tumelo ea hae."

<sup>28</sup> Joale, haeba A eso u tiise ka Moea o Halalelang, ha A eso amohele tumelo ea hau ho Eena le joale, u sa na le libaka tse lokotsehang. Le a bona? E ka ba u a lumela, yaa, empa litulo tse lokotsehang li sa le ngata. Empa mohla u lokisang litulo tsohle tse lokotsehang li phahletsoe hantle, ke moo A u tiisang ka Moea o Halalelang ho fihlela letsatsi la topollo ea lona. Eo ke thasisetso ea Molimo e reng O amohetse tumelo u Mo pakileng ka eona.

<sup>29</sup> Abrahama o pakile tumelo, 'me Molimo o itse, "Ke tla u fa pontšo joale e reng u . . . e reng Ke u amohetse." 'Me O mo file pontšo ea lebollo.

<sup>30</sup> Joale, ha u amohela Kreste e le 'Moloki oa hau u lumela ho Eena u Mo kopa ho hloekisa bophelo ba hau, 'me haeba A khutla ka Moea o Halalelang a u fa pontšo ea Moea o Halalelang, u tšoailoe ho fihlela topollo ea hau.

<sup>31</sup> Lekouchu lena mona, haeba le lokotseha . . . Hoba le laeshoe ba koale monyako oo ba o maneha tiiso, 'me o—o tiisitsoe ho fihlela mafinyello a lona, lik'hampani tsa seporo li ka u hlahlala bophelo ba hau bohle ha u ka manolla tiiso eo. Li ke ke tsa manolloa. E tiisitsoe ho fihlela mafinyellong; ha se motho mang tseleng eo ea ka le manollang a le bula a sheba kahare, le ho hlahloba le ho e lekola, le ho lahlela lintho tse 'maloa kantle, ho sutela lintho tse ling hape. Che, che!

<sup>32</sup> Kereke *ena* e tla re, be, tšomo eo, "Taba *ena* ha e loka, *eane* ha e a loka." Ha Molimo o u nea Moea o Halalelang, ho phethehile! U tseba moo u emeng teng, u tseba se hlahleng, u tiisitsoe tsela eohle ho fihlela koana letsatsing la topollo ea hau, mafinyellong a hau a leeto lena la bophelo. Oh, banna! Hoo ho tlametla ho fa mang le mang tumelo le ho lumela Molimo, ho tsoha feela ka matla ka Moea o Halalelang.

<sup>33</sup> Joale, baroetsana bana ba sa fumanang Moea o Halalelang, (Le a hopola?) feela ba ne ba hloka oli lilamping tsa bona. Na ho joalo? Bibele e boletse *oli* e bapisa "Moea o Halalelang," lebaka leo re tlolang bakuli oli, le joalo-joalo, hobane ke papiso ea Moea o Halalelang. Joale, efela ha—ha Moea o Halalelang o fela o sa theohele holim'a bona, ba ne ba se na Oona. 'Me eitseha A fihla, ba itse . . . Joale, baroetsana ba nang le oli, ba itse . . .

<sup>34</sup> Le a bona, ba ne ba le mots'eo mongoaheng oa kereke; batho ba teng ka mono ba neng ba lokile feela ba se Leseling la naleli, seo ke se bolelang, khole e innoe oling. Le a bona, 'me ea tima. Ea omella, ba ne ba ikarohantse. Pauluse o boletse, letsatsing la hae, "Ba ikarohantse le, ka ho hloka tumelo." Le a bona, 'me ba tloha ho bona, "Ba tlohile ho rona hobane e ne e se ba rona." Joale, e

qalile motšeо mongoaheng oa Efese 'me ea theohela mongoaheng ona kajeno. Ntho e tšoanang, o mong le o mong oa mengoaha eo, se etsahetseng e ile ea qaphana ea nyamella ho mengoaha ena tlase mona. Re tla kena ho eona ka botebo nakoaneng.

<sup>35</sup> Joale, lemohang moroetsana enoa, leha koana, o kene lillong, sellong, le litsikitlanong tsa meno.

<sup>36</sup> E reng ke bue sena, motsoalle oa ka ea theko e thata ea ratehang; hoba ka tloaelo kerekeng mona, ha ke fihla mona, ke tla koano feela ke tšoara tšebeletso ea pholiso le ho rapella bakuli, le kantle naha ka bophara nqa e 'ngoe. Empa ena ke nako, esale ke le bolella nako e telele, kenyang letsoalo la lona pokothong ea lona. Joale re batla—re batla ho tla re tšepehile re na le 'nete ho e mong, hobane re letsatsing la qetelo. Yaa!

<sup>37</sup> Joale, ke hona moo lona Manazarene a theko e thata le Pilgrim Holiness le fantseng tlasa khalaletso. Le a bona? Joale, na le tsebile Judase Iskariota o phetse ho fihla hantle tulong eo? Judase o lumetse ho Morena Jesu e le Mopholosi, ho Mo amohela e le Mopholosi. A bile a halalelitsoe. O ne a halalelitsoe, ho Johanne 17:17, mohla Jesu a itseng, "Ntate, ba halaletse ka 'Nete, Lentsoe la Hau ke 'Nete." 'Me E ne e le Lentsoe. Ho lokile!

<sup>38</sup> Ho Mattheu 10, ba neiloe matla ho folisa bakuli, ho tsosa bafu, ho leleka batemona. 'Me ba tsoile ka makhalo ohle a—ohle a naha ba leleka batemona, ba khutla ba hooeletsa ba hlaba litlatse ba rorisa Molimo. 'Me Jesu o ba boleletse, "Se nyakalleng hobane batemona ba ikokobelitse lona, le mpe le thabe ka ha mabitso a lona a ngotsoe Bukeng ea Bophelo." Na ho joalo? 'Me Judase a e na le bona, Judase a e na le bona, feela e ne e le selemo le likhoeli tse tšeletseng pele Jesu a thakhisoa le ka mohla.

<sup>39</sup> Joale, mohla ho fihloang Pentekosta, ho Judase ho amohela Moea o Halalelang le joalo-joalo, o bontšitse 'mala oa hae. O—o latotse Jesu, a fetoha moeki oa Hae. 'Me moea oo o fihla hantle mono; holimo ho haola le Luther, Wesley, ho nyollela kereke eo khalaletsong ka bophelo bo sa angoang (bo bottle, bo makhethe, bo halalelang, bo khahlang, batho ba khabane ka ho fetisisa bao u kileng oa kopana le bona), empa ha ho fihloa ho...ha ba fihla ho bueng ka lipuo le ho amohela Moea o Halalelang, Manazarene, Pilgrim Holiness, Free Methodist, ba re, "Hoo ke diabolosi." Hantle mono ke mohla le nyefolang Moea o Halalelang le ikoalla kantle kamehla; "Hoba mang le mang ea buang lentsoe khahlano le Mora motho o tla tšoareloa hona, empa ea buang khahlano le Moea o Halalelang a ke ke a tšoareloa le ka mohla."

<sup>40</sup> Hopolang, barutua bohole ba buile lipuo. Jesu Kreste o shoelie sefapanong, a ntse a bua lipuo. Uh-hum. Haeba u sa sebelisane le bona mona, ho ba mosa ho bona, le reng ka koana? Ho bona...Efela ha bana e le matemona, le bao e ne e le bona. Ka hona na le bona moo e bontšitseng 'mala oa eona? Moroetsana

eo ke enoa a fihla, a hloekile joaloka ba bang bohole, bophelo bo monate. Ke tla nka Monazarene oa mehla ea khale, likereke tsa Pilgrim Holiness, tse hlileng tsa lumela khalaletsong, u ka sitoa ho supa maphelo a bona ka monoana; ka bohloeki bo ka khonahalang. Ho molemo holane bohole ra phela joalo. Ke hantle, le tlamehile joalo.

<sup>41</sup> Joale, re tseba baikaketsi ba le bangata hara Mapentekosta. Ke 'nete. Empa ha u bona dolara ea moshaqane feela, u e tseba e qapiloe ho ea makhonthe, ea sebele. Ke hantle. 'Me ho na le—ho na le Moea o Halalelang oa sebele, oa mannete O buang ka lipuo le ho etsa mehlolo le mee ka, 'me e etsahetse ho qala Pentekosta ho theoha. Ka hona re tšoanelo ho fumana baetsisi. Re tlameha ho fumana mosali e mobe ea sa lokang, ho bentša mosali ea khabane. Re tlameha ho ba le bosiu, botšo bo lefifi, ho supa hobane mahlaseli a letsatsi a khanya. Ke hantle. U tlameha ho kula, ho natefeloa ke bophelo bo koenneng. 'Me molao oa botle le bobo; 'me ke—'me haesale ho le joalo, 'me ho tla lula ho le joalo, ha feela nako e le teng.

Joale, ka hona, ke hona moo kerekere e inyollang teng.

<sup>42</sup> Joale, na Jesu ha a rialo “Letsatsing la qetelo,” ho Mattheu 24, “meea e ‘meli e tla bapa ho ka thetsang le bona Bakhethoa holane e le ntho e ka etsoang”? Uh-hum. Empa ea khethiloeng esale ho theoa lefatše o na le Bophelo Bosafeleng. Bophelo Bosafeleng, u ke ke oa Bo felisa. Ke ba Bosafeleng joalokaha Molimo, u ke ke oa khaotsa joalokaha Molimo o ke ke oa khaotsa. Ke hantle. Hobane u karolo ea Molimo, u mora le morali oa Molimo, bophelo ba hau bo fetotsoe 'me u karolo ea Molimo, u na le Bophelo Bosafeleng. Oh, ke a Mo rata. Na le lona?

<sup>43</sup> Joale, mona motho o mpeetse ntsha, ke potsonyana feela. Re ke ke ra minya nako e ngata ho e araba. 'Me le hopole, nako efe ha le beha potso, ke tla leka ka bokhoni ba ka. Empa ena e ne e le potso ea bohlokoo:

**E mong o ne a batlile ho tseba haeba e le phoso ho basali ho paka, kapa ho bina, kapa ho nts'a molaetsa ka leleme, ho fetolela melaetsa, kapa boporfeta, ka kerekeng.**

<sup>44</sup> Che, ha e phoso, ke e...ha e mpa e khohlela malulong e le ka taolo. Le a bona? Kereke e taolong, 'me ha...Mokhoa oa makhonthe, oa sebele ke ha bao ba buang ka lipuo le lintho, melaetsa ea bona e hlahisoa pele ho molaetsa o tsoang sefaleng, le ka mohla e seng nakong eo; hoba Moea o Halalelang o tsao tulong e le 'ngoe ka nako, joaloka Pauluse a buile ka eona mono. Empa basali ba fuoe neo ea boporfeta, ba filoe maleme le likoahollo, le sohle haese ho behoa bareri. Ha tlameha ho ba bareri. Ba thibetsoe ho rera likerekeng, ke hantle, ho tlatsa malulo ao, kapa ho beoa moruti leha e le ntho efe ka kerekeng. Empa ha ho buuoia ka lineo, mosali o tšoere tseo tsohle, a ka hlakisa efe kapa e 'ngoe ea lineo tse robong tsa moea ho latela Bakorinthe ba Pele 12, 'me

a se tlangoe hore molaetsa oa hae o se tsoe litulong tsa ona. Le a bona, molaetsa ka mong o tlameha ho emela nako ea ona.

<sup>45</sup> Ekare ha e mong a bua ka maleme, ho se mofetoleli, a ke a ikhutsetse mofetoleli a be a hlahe. Le a bona? 'Me ka tloaelo melaetsa ena e hlahisoa pele ho kopano. Ke moo moporofeta... kapa moreri, e leng moporofeta oa Testamente Ncha, moreri, ha a fihla, Molimo o qala a sebetsa ka eena, le a bona. Hoba a qete, melaetsa e ka qala, o mong; ka hona, pejana feela. Kamehla e malulong, kamehla. Empa mosali o na le tokelo.

<sup>46</sup> Ntho e latelang, ke rata feela, ke tla nka nakoana ho araba sena, ke tla bala lihlooho tsa litaba:

**MALUMELI A MARARO A QALA E 'NGOE EA PHETOLELO EA BIBELE.** Washington, Mphalane 15. Katolike, Protestanta le barutehi ba Bajuda ba ipokantse ngatana-'ngoe ba qualile phetolelo e ncha ea Mangolo esale e shebeletsoe ho fetoloa folaga ea Bibele.

<sup>47</sup> Ke rata ho hlahluba linthoana tse ling mona ho feta-feta pele ke e tsebisa. Ka mantsoe a mang, le bona hantle feela seo re buang ka sona, hantle feela seo Mangolo a boletseng se tla hlah matsatsing ana a qetelo, ha thoe lintho tsena li tla iteanya li nt oo bopa setšoantšo sa sebata. Ka nepo. Ba e lekile, 'me ba tšoarane le eona, 'me joale ke monyetla oa bona o fetisisang ho e hlahisa, hoba e liatleng tsa bona hantle. 'Me ka lona lebaka leo ke hlahisa melaetsa ena ea boporofeta, ka ha ke hopola e le nako ea eona.

<sup>48</sup> 'Me ha motho a ka khutla bosiu ka bong, re tla leka ho qala phakela le ho le lokolla phakela. 'Me ha nka hloleha ho phethela sehlooho, ke tla e tsebisa hoseng ho hlahlamang. Haeba re sa phethele tema ea 19, temana ea 9 ho isa ho ea 20 bosiung bona, re tla e qala hoseng ka hora ea leshome. Re tla le tsebisa ha tšebeletso e tsoa, kamoo re khathang tema.

<sup>49</sup> 'Me hape hosane bosiu ke mabapi le kereke ea Efese, ho qala, ho matha masiu a supileng: Efese, Mongoaha oa Kereke ea Efese; le oa Smirna; le oa Pergame; le Thiathire; le Sardise; le Filadelfia; le Laodisea, Sontaha se tlang.

<sup>50</sup> 'Me ho tseba mahakoe a maholo ana a rapaletse tlase tseleng, ho thata ho ikhakanya ho a qotsa ka matsoho a ka pele nako e fihla. Ho a bona tlase mane, le ho utloa Moea o iphepa har'a batho, ke se ke batla ho qhomela kahare ka potlako le—le ho bua se seng ka ona; empa ke tlameha ho ithiba le ho a beha mongoaheng oa ona le ka nako ea ona. Ha u sa khone ho tla bosiu, ikholise ho fumana teipi kapa mokhoa o itseng ho E tšoara, hobane ke batla hore ee hohle. 'Me ke entse sena kaha ke utloa ke susumetsoa ke Moea o Halalelang ho etsa seo; ke lona feela lebaka leo ke e etsang. 'Me 'na, holane ke nahana e sa tl'o thusa kereke... 'Me letsatsing lena, le hopole, hora e tla fihla kapele moo re tlang ho sitoa ho tšoara litšebeletso tsena, 'me re tlameha

ho e etsa re sa fumane nako ea ho e etsa. Le a bona, ha re tsebe mohla ba tlang ho khina sena, joale.

<sup>51</sup> 'Me ho tla hlajoa selekane hara likereke 'me li tla iteanya, ho bopa hlooho ea setlamo sa likereke, etsoe le se le fumane moaho o moholo oa U.N. 'me bolumeli bo bong le bo bong bo kahara eona. 'Me le tlameha ho ingolisa le bolumeli ba mofuta kapa le nts'etsoe kantle. 'Me ke mohla re tlamehang ho itšupa mebala ea rōna ho ikholis re tseba, e seng mosebetsi oa kakanyo, empa ho tseba HO RIALO MORENA moo u emeng teng. Esale Kereke e le paloana, ke sehlotsōana se senyenyane se... khole e sesane, e kang e—e khole e khubelu e lohanang le Bibele, empa kamehla ke Kereke. 'Me re batla ho e hopola.

<sup>52</sup> Joale tlahisonyana pele re bala hape. Hoseng hona re nkile Bomolimo bo Phahameng ba Tšenolo ea Jesu Kreste, eo Molimo hoseng o re senoletseng Eena e le Bomolimo bo Phahameng: KE TENG e Moholo (e seng ke *ne ke* le teng kapa *ke tla* ba teng), KE TENG, kamehla. 'Me re lemohile khaolong ena ea 1 ea Tšenolo, ea Tšenolo... Ke tšenolo ea eng? Jesu Kreste. Ntho ea pele A Itšenolang e le eona mona pele ke efe? Molimo oa Leholido. E seng molimo borarong, empa Molimo o le mong. Molimo o le mong, 'me O Itšenola joalo qalong ea Tšenolo. Le ho e bua hane khaolong ea 1 hore ho se hlahe phoso. Ntho ea pele eo le tlamehang ho e tseba, ho re: Eena hase moporofeta, Eena hase e—e molimo o monyenyane, Eo hase molimo oa bobeli, Ke Molimo! Ke Molimo. 'Me Tšenolo e tlide ke hona, 'me re tsoella ka Eona bosiusing bona joalokaha re fumana boperesone ba Hae bomekhahlelo e supileng ba boleng ba Hae.

<sup>53</sup> 'Me, oh, Molimo o re thusre sa ruta Mantsoe ana. Ke—ke—ke e hlahlobile ho tsoa ntihakemong ea nalane, empa ema hofihlela ke kena sefaleng mona ho fuoa pululelo. Hobane ke utloa re lutse libakeng tse maholimong ka ho Kreste Jesu, 'me Moea oa hau, kabelo ea hau, lelakabe la Mollo (Moea o Halalelang) o leng hoim'a Hau o tla ho e mong, le e mong le ho e mong, O hotetsa 'Mele o moholo oa Molimo le ho O tukisa, 'me ke hona moo litšenolo... .

<sup>54</sup> Joale, seo re buang ka sona, ke botsitsoe potso ena, "Na ke tšoanelo ea basali... le joalo-joalo?" Ke eona hantle khang e qalileng ea sutela kereke tšenyehong ea eona tšimolohong, ba ne ba amohile letšoel cheseho eohle ba e bea sefaleng. Empa Molimo ke Molimo oa letšoelle. O sebetsa motho ka bomong, O phela pelong efe eo O ka kenang ho eona. O fumana batho bao ba filoeng lineo o sebetsa ka bona. Joale, efela ha diabolosi a sitoa ho ba qhautsa nthong e le 'ngoe, ke moo a fihlang a fehla pherekano e kholo ea haholetho a khelosa batho. Joalokaha Pauluse a boletse, "Ha le phutheha, ekareha le bua bohole ka maleme, ho kena ea sa rutehang, ana a ke ke a re, 'Le a hlanya! Lithoto!'" Motho ea buang maleme, 'me *sena* le *sena* se tsoile taolong, le ntho e 'ngoe le e 'ngoe, e ke ke ea sebetsa. Empa,"

o itse, “efela ha e mong a porofeta a senola merero ea pelo, ke moo ba tla re, ‘Ruri Molimo o na le lona.’” Empa e mong ha a bua maleme ka tšenolo ’me a e koaholla, taba e ahisang kereke, kereke eohle e ahisoa ke eona. Ntho e tlang ho bua ’me Molimo o bua ka lipuo tseo re sa tsebeng letho ka tsona a nto e nea e mong le ho e koaholla ka e mong, le ho bolela taba e hlhang ka tšoanelo e boletsoeng, etlaba le tšoere Moea oa Morena hara lona. ’Me, oh, ha re hahamalleng seo, metsoalle; ha re—ha re baballeng mollo oo o tuka.

<sup>55</sup> Joale, pejana re phetla e... folagahali ena ea Lengolo, ke ipotsa haeba e ka ba ho tlolisa ho ema feela le ho fetola seemo sa rona metsotso e ’maloa feela re sa rapela.

<sup>56</sup> Molimo o Matlaohle ea ntšitseng Morena Jesu hape bafung oa Mo hlahisa ho rona (ka mora lilemo tse sekete le makholo a robong) joaloka Molimo o sa tlaileng oa Leholimo, re U leboha ka baka la sena le ka baka la Boteng ba Hae le rona letsatsi ka letsatsi leetong la rona la letsatsi ka leng. ’Me re thabile haholo ho tseba horeng ena ea pherekano mohla lefatše le sa tsebeng seo le ka se etsang, ba boela ba cheka mekoti fatše, ’me ba ikahela liqbosheane tsa konkreiti, empa, oho Molimo, ba ke ke ba ipatela khalefo ea Molimo. Ntho e ’ngoe feela—feela sehlare, Morena, ’me thabile haholo ha re E amohetse: “Ke tla bona Mali Ke le fete holimo.” Oh, re thabetse tsireletso eo e bokhoni-bohle hakakang bosiusg bona ea Mali a Konyana ea Molimo, Moprista e Moholo, ea emeng Khanyeng bosiusg bona e le ’muelli oa maipolelo a rona. Re thabile haholo ho ba ’moho le Eena bosiusg bona, Sebui se seholo, Moea o Halalelang o moholo, moabi e moholo oa setlolo, moabi e moholo oa Bophelo.

<sup>57</sup> ’Me joale, Morena Molimo, ke phuthile batho bana ’moho tlasa marulelo ana bosiusg bona, ’me re phuthehile mona re le kereke kapa karoloana ea eona, ha re phuthehe ka lebitso la tabernakele ena kapa ka lebitso la motho mang, empa ka Lebitso la Jesu Kreste. Moea o kileng oa laola ’mele oa Hae oa laola mohopolu oa Hae, oa Mo laola, o kene ka ho rona bosiusg bona ho toluka Lentsoe le ho rera Lentsoe, le ho Le abela lipelo tsa rona tse lapileng re sa Mo emetse. Hoba re e kopa ka Lebitso la Hae le bakeng sa khanya ea Hae. Amen. (Lulang fatše.)

<sup>58</sup> Joale ho lona ba tšoereng Bibele tsa lona, phetlang khaolo ea 1 ea Tšenolo le qale ka temana ea 9; lipensele tsa lona le lipampiri, ’me ke tla leka ho le fa matsatsi le lintho ha ke tsamaea joalo.

<sup>59</sup> Joale, ka tšoanelo ena ke... Hoseng hona e ne e batlile e le ther, ho ala motheo holim'a Bomolimo, oa Tšenolo; Molimo o senoloang ka ho Kreste. Ba E lumelang ba ba kae? Molimo o ne o senotsoe ka ho Kreste, Jehova a senotsoe ka ho Kreste. Joale e be Molimo o tla senoloa kae? Ka Kerekeng ea Oona, le batho ba Oona, ka ho rona. Ka Moea o le mong, mesebetsi e le

meng, liponahatso li le ling, lerato le le leng, tšoarelo e le 'ngoe, mamello e le 'ngoe, bonolo, tiisetso, khotso, mohau, tsohle tse neng li le Kreste li ka Kerekeng. Hopolang, sena likellong: sohle seo Molimo O neng o le sona o se tšetse ka ho Kreste (E ne e le bottlalo ba Bomolimo ka 'mele), 'me sohle seo Kreste a neng a le sona O se tšetse Kerekeng. Molimo holim'a rona, Molimo le rona, Molimo ka ho rona. Botriuniti ba Molimo, Molimo o bonahetse mekhoeng e meraro e fapaneng: Ntate, Mora, Moea o Halalelang.

<sup>60</sup> Tšenolo e Mo supile e se melimo e meraro, hape ha O a khabeloa likotoana tse tharo. Empa Ke ona Molimo o le mong e neng e le Molimo matsatsing a Bontate, E ne e le Molimo matsatsing a Bomora, Ke Molimo matsatsing a lekhathé la Moea o Halalelang, Molimo o le mong. Hase ba bararo ba fapaneng, hase baperesone ba bararo, hase boperesone hararo. Ke Moperesone a le mong, boperesone bo le bong. U ke ke oa ba boperesone u se moperesone. Batho ba bang ba itse, "Hase baperesone ba bararo, empa Ke baperesone hararo." U ke ke oa arola ntho eo; hoba haeba E le boperesone, Ke moperesone; e ka khona e be moperesone ho lhahisa boperesone. Ka hona Ke Moperesone a le mong, boperesone bo le bong; eena maobane, kajeno, le kamehla; Alfa, Omega; Ea neng a le teng, ea leng teng, le ea tlang. Oh, Ke TSOHLE feela. Ke rata seo.

<sup>61</sup> Shebang tlhaho ea Hae, bophelo ba Hae, mesebetsi ea Hae. Eka khona e bonahatsoe hantle ka tabernakeleng ena, joalokaha e etsahetse letsatsing la Hae. (Ha ke bue ka leeme; Molimo o a tseba.) Hase mona feela, empa lefatše ka bophara. Ke thabile ha e le joalo. Re tseba moo re emeng hoba ka ho rona re ruile Moea o le mong, o haolang ka ho rona o supa A le teng mona. Hase rona, ke Oona; re ka sitoa ho etsa lintho tseo, ke Molimo. Kathoko ho moo, lefatšeng la mahlale a saense, O lumeletse setšoantšo sa Oona ho katlatsoa. 'Moho le rona, ka ho rona, mathokong a rona, holim'a rona, ka rona, ho sebetsa kahare le ho tsoa ho rona. Oh, ho babatseha hakakang!

<sup>62</sup> Ba ne ba bina sefelanyana:

KE 'NA ea buileng le Moshe, 'hlahleng se tukang,

KE 'NA Molimo oa Abrahama, Naleli e Khanyang ea Meso.

KE 'NA Rosa ea Sharone; oh, le re Ke tsoa kae?  
Na le tseba Ntate, kapa le ka bolela Lebitso la Hae?

Oh, le re Ke mang, kapa le re Ke tsoa kae?  
Na le tseba Ntate, kapa le ka bolela Lebitso la Hae?

KE 'NA Alfa, Omega, qalo ho tloha qetellong,  
KE 'NA popo eohle, 'me Lebitso ke Jesu.

<sup>63</sup> Oh, ho babatseha hakakang, Tšenolo! Joale, hopolang, u ke ke oa E thola ka baithuti ba thutabomolimo, ha E fihle joalo. E tla fihla ka tšenolo inotši. Ho kolobetsa ka metsi, ho sebelisoa Lebitso la Jesu Kreste, ho ka abjoa e le tšenolo feela. Jesu le Molimo e le Moperesone a le mong e ka abjoa e le tšenolo e inotši. Bibebe eohle e ahiloe holim'a tšenolo. Kereke eohle e ahiloe holim'a tšenolo. Mattheu 17 e re, "Hoba Ke re, 'Holim'a lejoe lena (tšenolo ea moea) Ke tla haha Kereke ea Ka, 'me likhoro tsa lihele li ke ke tsa E hlola.'" Re qhololitse mang le mang ho re bontša, nqa efe, nalane ea Lengolo, moo batho bafe ba kolobelitsoeng ka lebitso la "Ntate, Mora, Moea o Halalelang" kathoko ho kereke ea Katolike hofihlela letsatsing la Martin Luther. Ebe moo kereke ea Protestanta, e ne e . . .

<sup>64</sup> 'Me bokhopo bo bong le bo bong . . . Mamelang, ha re kena mengoaheng ea kereke. Bokhopo ka bong bo hlahileng kerekeng eo ea pele, bo phalla bo kenella e latelang. Ho tsoella joalo qetellong bo lihela likhala ka bokoenehi bo tletseng letsatsing la qetelo. Bokhopo ka bong bo lula bo phallela kerekeng ka 'ngoe, mokha ka mong o kileng oa qala. Joaloka ho Genese, morara, o qalile oa mela, oa lohana le kereke oa ntoo bitoha matsatsing a qetelo. Ha ho makatse Bibebe e itse, "Ho lehlohonolo ba tlang ho phonyoha ka letsatsi leo." E, monghali, ba phonyohang lintho tsena tsohle.

<sup>65</sup> Joale ak'o kope Molimo joalo . . . re sa bua ka Tšenolo, Mo kope ho u fa tšenolo ea Sena. Hoba E ka tsebjoa ka tšenolo e inotši, 'me u ka bolokeha ka tšenolo e inotši. U E tseba, ka bohlalefi, empa u ke ke oa bolokeha pele u E senoletsoe. "Ha ho motho ea ka reng Jesu ke Kreste, haese ka Moea o Halalelang." Ke seo Bibebe e se buang. Ha ho motho ea ka reng Jesu ke Kreste hofihlela a amohetse Moea o Halalelang. A ka re, "Molisa o rialo, Bibebe e rialo." Tseo ke linnete. "Kereke e rialo." Hoo ke 'nete. Empa ha u e tsebe ka sebele sa hau pele Moea o Halalelang a u senoletse Eona, 'me A kene ka ho uena. "Ha ho motho ea ka reng Jesu ke Kreste, haese ka Moea o Halalelang." Hase ka tsebo, hase ka bohlalefi.

<sup>66</sup> Kamoo ba tlang ho rala Bibebe eo . . . Ho leka ho E sotetsa, hore E lumellane le Bajuda, Makatolike, le Maprotestanta, athe ba fapane sa motšeclare ho bosiu. Ke hopotse Bajuda ba tsebile hantle ho feta moo; ke khlooa e le hora e tlamehang ho fihla ka eona feela, moo tsohle li tlamehang ho kena koenehong e kholo ena. Ka hona, 'me lintho tsohle le hopole, re ka sitoa ho e emisa, empa re ka e etsa ho le hong e leng ho hasa Leseli kantle mane, mohlomong ho shoela tumelo le ho tloha ho ikela, ka hona re ka e sebetsa joalo feela. Empa ba bangata ba tla tlameha joalo. 'Me Bibebe e hlophisisitsoe joalo le lintho tseo re kenang ho tsona. Haeba ke sa shebe, ke tla kena ho eona.

<sup>67</sup> Joale, sa pele Bukeng ea Tšenolo, e qala ka hore Ke Tšenolo ea Jesu Kreste, hore Ke mang. Joale, Jesu Kreste ke

Molimo o Matlaohle. Re tseba seo. Ba e lumelang ba ba kae? E reng “Amen.” [Phutheho e re, “Amen!”—Mohl.] Ke Molimo o Matlaohle, ’me O na le Lebitso le le leng. Lebitso leo ke lona feela lebitso le abiloeng tlasa Leholido u ts’oanetseng ho bolokeha ke lona, Jesu Kreste. “Hobaneng ba Le tšaba letšeng?” ke ipotsa taba eo. Uh-huh. Le a bona? Ke hobane moea oo o khaselitse kahare motšeо koana Mongoaheng oa Smirna; oa tselikana hantle oa theoha o kena mongoaheng o moholo oo o lefifi, oa bopa thuto, le ho tsoa ka eona hantle letsatsing lena la qetelo. Joale, le shebe nalane le Bibele ha re haola vekeng ena, kamoo e—kamoo e hotollang lintho tseo.

<sup>68</sup> Joale ntho e latelang. E neiloe Johanne ke Kreste, ka lengeloi, ho fetisetsoa ho tsa Hae (ling?) likereke, ho E senolela likereke tsa Hae. ’Me linaleli tse supileng letsohong le letona la Hae e ne e le baromuoа ba supileng ba likereke tse supileng. ’Me monna ofe ea tlang ho fuoa Molaetsa le ka mohla, o tla o fumana, ona Molaetsa oa mannete o qalang tšimolohong.

<sup>69</sup> Hape, etlareha re kena libakeng tse tebileng tseo, ho bona kamoo Molimo o kentseng lintho tsena, ho a babatseha. E tla etsa u hlabe litlatse. Koana, ke ne ke e bala, ke ntoo likoloha nakoana ke lla, ke khutle ho lula fatše hape, ke ntoo likoloha nakoana. Ke thabile hakaale ho tseba seo: Molimo o re hauhetse joang ho re bontša eona horeng eo re phelang ho eona? Khele, ho joalokaha Jesu a boletse, “Motho o rekile ka tsohle tseo a li ruileng ho reka taemane ea mofuta.” U rekisetsa lefatše le kantle, lintho tsa lefatše, le sohle se amanang le ntho efe, ho rua Sena. Ke hantle, ho tsetela ankora eohle ea hau nthong Eo hantle. Ke ankora ea moea ho bona tšenolo ea Oona ea Lentsoe la Oona.

<sup>70</sup> Joale, mang le mang ea E balang o lehlohonolo. Ho joalo na? ’Me re boletse hoseng hona, ha u sa khone ho bala, ea E utloang e baloa, o lehlohonolo. Joale, E qala ka lehlohonolo ho ba tlang ho lula le ho E mamela e baloa, le thohako ho mang ea tla leka ho eketsa letho ho Eona kapa ho tlosa letho ho Eona. Efela ha Bibele e senola e hlakile ho thoe Jesu e ne e le Molimo o Matlaohle, ho malimabe ea tlang ho fokotsa mono. Yaa. Ke tšenolo. Ea eketsang letho . . . Ke folaga e phethehileng ea—ea Tšenolo; ke Buka ea Molimo ea ho qetela, Mantsoe a Hae a ho qetela, a Hae a ho qe . . . ’Me tšenolo efe e hohlanang le Eo, ke ea boporofeta ba bohata; hase Molimo, hoba ena ke ’Nete.

<sup>71</sup> ’Me, le hopole, ena ke buka e inotši ka Bibeleng e chaeletsoeng ke Kreste, ka Seqo. E nahaneng! Eona feela buka, ke tšenolo ea sebele sa Hae. Eona feela buka A e manehileng tiiso ea Hae, le ho lihela mahlohonolo a Hae le lithohako tsa Hae. Mahlohonolo ho ba tlang ho E amohela, thohako ho ba sa tl’o E amohela.

<sup>72</sup> Joale—joale re fihla sehlekehlekeng sa Patmose joale ho qalisa, temana ea 9. Taba ea pele, re batla ho re ke . . . Sehlooho

sa ena ke: *Pono Ea Patmose*. E etsahetse ka A.D., lipakeng tsa A.D. 95 le 96. Sebaka e le sehlekehleke sa Patmose. E lutse bohole ba limaele tse mashome a mararo ho tsoa lebopong la Asia e Nyenyane, ka bophirimela, maloka le kereke ea Efese, kahara Leoatle la Aegean moeling oa Mediterreniane. Ke malulo a eona ao.

<sup>73</sup> E nahaneng! Joale, sehlekehleke se senyenyan se lutseng limaele tse mashome a mararo hole le Asia e Nyenyane, Leoatleng la Aegean. Maloka le kereke ea Filadel... kapa kereke ea Efese, moo ho abiloeng Molaetsa oa pele, mehleng eo Johanne e le molisa. Ka mantsoe a mang, o ne a sheba hantle morao bochabela mme a shebile kereke ea hae hantle, ho tsoa moo a leng teng. 'Me Molaetsa oa pele o lebisitsoe kerekeng ea hae, e neng e emetse mongoaha oa kereke. Ho lokile, pono e bontšitsoe Santa Johanne ea khetheleng, eena e le molisa oa kereke ea Efese mehleng eo.

<sup>74</sup> Ebe maemo a sehlekehleke sena e ne e le afe? Se nqa efe, le maemo afe? Ho lokile, nalane e se tsebile e le sehlekehleke se mafika se tletse linoha, liphepeng, mekholutsoane, le joalo-joalo. Mopotoloho oa sona ke limaele tse mashome a mararo, se tletse mafika. Se sebelisitsoe, matsatsing a Johanne, e le Alcatraz. Nqalo ea ho lelerisetza linokoane ea babusisi ba Maroma, le linokoane tse soro ruri, ba sa khone ho li hlahlala chankaneng le joalo-joalo, ba li lahlele kantle mane sehlekehlekeng ho shoa; ho ba boloka mono hofihlala ba shoele.

<sup>75</sup> Potso: Lebaka la Johanne mono? Monna oa morapeli, monna ea lokileng, monna ea seriti se khabane, semelo se setle, a eso kene khathatsong, lebaka la monna enoa mono? Bibele e boletse, "Ka lebaka la Lentsoe la Molimo le bopaki ba Jesu Kreste."

<sup>76</sup> Joale re fumane malulo. Sehlekehleke sa Patmose, Leoatleng la Aegean, limaele tse mashome a mararo hole le lebopo, mopotoloho e batla e le limaele tse mashome a mararo, le mafika, le tletse mekholutsoane le liphepeng le joalo-joalo, se sebelisoa e le ntlu ea chankana (e kang Alcatraz). Enereha ba fumana motšoarua ba sa khone ho 'moloka chankaneng mona, bao... senokoane se nyarosang, ba se lahlela kantle Alcatraz.

<sup>77</sup> 'Me joale ba qotsa Johanne enoa oa mohalaleli ea khetheleng... oa ho qetela hara barutuo, e le eena a inotsi ea shoeleng lefu la tlhaho. Johanne, pele a ea sehlekehlekg, o qositsoe ka "boloi," a belisoa kahara faki ea mafura lihora tse mashome a mabeli le metso e mene, e sa ka ea mo tlabola. U ke ke oa belisa Moea o Halalelang ka ho motho....?... Ho mo belisa lihora tse mashome a mabeli le metso e mene kahara faki ea mafura, a sa tsoe kotsi ea letho. Le ho re, lebaka le tlalehiloeng ke—ke Maroma, ha thoe, "E ne e le moloi, 'me o loile mafura." Seo mohopoloo oa nama o ka se nahanang! Joale, le a bona, ha ba re bitsa "ba balang mohopoloo, le linohe, le Belsebule," na le

bona moo moea oo oa khale o tsoang teng? Empa na le bona moo Moea oa sebele o tsoang teng? Ke mengoaha ea kereke. Le a bona? Lihora tse mashome a mabeli le metso e mene, ho beliosa kahara mafura a chesang, a belang, a sa angoe ke letho. Oh, kamoo Molimo o mo haelelitseng ka ho Oona ka Moea o Halalelang oa Oona. Mosebetsi oa hae o eso fele.

<sup>78</sup> Ba mo bolokile lilemo tse peli sehlekehlekeng. 'Me hoba Molimo a mo boloke mono boinotsing, o ngotse Buka ea Tšenolo kamoo Lengeloi la Morena le mo senoletseng eona. 'Me hang hoba seo se fete, a boela lehaeng a alosa kereke Efese. 'Me a shoa a patoa Efese, Johanne ea khetheshileng.

<sup>79</sup> Oh, malulo a makakang joale! Ho lokile, kereke e tlasa Johanne lekhatheng leo, kapa tlasa hloriso e kholo, Johanne o ngola temana ea 9:

*Ke le Johanne, ngoanabo lona hape... ho matšoenye... le molekane lihlorisong, le oa muso le oa mamello ea Jesu Kreste, ke ne ke le sehlekehlekeng sa Patmose, ka lebaka la lentsoe la Molimo, le bopaki ba Jesu Kreste.*

<sup>80</sup> Ka mantsoe a mang, a nka Lentsoe la Molimo 'me a Le kholisa, hore E ne e le Lentsoe la Molimo, 'me Kreste a khutla ka eena a paka hobane o ne a nepile. Ke moo. Lentsoe la Molimo le bonahatsoa ka ho eena, ho mo paka e le mohlanka oa Molimo. Ba ke ke e ba hanela Seo, ka hona ba tlameha ho 'molella ba re ke "moloi." "O loile mafura ho se mo ntše kotsi, 'me o loile batho 'me ba ne ba sa fola, e ne e le senohe se sa khonang... Motho e mobe oa mofuta, o mobe moe... moea o mobe." 'Me ba mo boloka kantle mono ka lebaka leo, ba mo lekanya a le kotsi hara sechaba. Athe o ne a phethisa thato ea Molimo, 'me Molimo tlasa maemo ao ohle o na le morero.

<sup>81</sup> A ke ke a mo sebelisa, hara lihloriso tsohle le lintho, hobane bahalaleli ba ne ba fihla, "Oh, Moena Johanne, re tla etsang ka sena? 'Me ebe re tla etsang?"

<sup>82</sup> Johanne e ne e le moprofeta, re tseba seo. 'Me ba ne ba botsa lipotso tsena ke hona, eaba Molimo o lumella 'Muso oa Maroma ho mo qotsa le ho 'moloka sehlekehlekeng mono. Le ho re, "Joale, tloo, Johanne, Ke batla ho u bontša se tlang ho hlaha." Oa ho qetela hara baapostola, ho sa hlole ho e na le e mong ho E ngola haese Johanne. Eaba ba mo beha sehlekehlekeng sa Patmose ho tloha A.D. 95 ho fihlela A.D. 96. 'Me a E ngola, 'me a re:

*'Na... ngoanabo lona, le molekane matšoenyehong,...*

<sup>83</sup> Joale, o ne a sa bue ka Matšoenyeho a Maholo. E ne e se Matšoenyeho a Maholo, 'me ha a hlahela Kereke. Matšoenyeho a Maholo a hlahela Mojuda, e sang Kereke. Ka hona e ne e se Matšoenyeho, Matšoenyeho a Maholo.

<sup>84</sup> Joale temana ea 10:

*Moea oa ka oa nkaoa ka letsatsi la Morena, eaba ke utloa ka morao ho 'na lona . . . lentsoe, . . . la terompeta,*

*Moea oa ka oa nkaoa ka letsatsi la Morena, . . .*

<sup>85</sup> Joale, u sitoa ho etsa letho le molemo pele u nkaoa ke Moea; Molimo o ke ke oa u sebelisa. U a—u a—u a—u a . . . Maiteko ohle a hau ke—ke lefeela pele u etsa ka Moea. “Ha ke bina, ke tla bina ka Moea. Ha ke rapela,” ho rialo Pauluse, “Ke tla rapela ka Moea.” ‘Me ntho efe e molemo e ka tsoang ho ‘na, ke tlameha ho e senoleloa ka Moea le ho thasisetsoa ka Lentsoe (ho bonahatsoa ka litholoana tsa eona).

<sup>86</sup> Joale ntho e kang ena, ka mantsoe a mang, ha nka re, Jesu Kreste o tšepisitse Lentsoeng la Hae ha nka baka, ka kolobetsoa ka Lebitso la Jesu Kreste, ke tla amohela neo ea Moea o Halalelang. Ntho ea pele ke tlameha ho baka. Ke e senoletsoe e le ‘nete. Le ho kolobetsoa ka Lebitso la Jesu Kreste, ‘me litholoana: Ke tla amohela Moea o Halalelang.

<sup>87</sup> Ha ke kula, ‘me O ntšepisitse ha nka lumela ‘me baholo ba kereke ba ntlotsoa ka oli, ba nthapella, thapelo ea tumelo e tla pholosa mobabi. “Morena, ke a lumela. Ke sala litaelo tsa Hau morao, moholo a ke a nthapele, a ntlole ka oli.” Ho felile, u tsoelapele joalo, ke phetho—ke phetho.

<sup>88</sup> “Oh,” u re, u “ha ke utloe phapang ea letho, le hona.” Jesu o ne a eso tsoaloe, mohla Molimo o Mo hlabang pele ho theoa lefatše, mohla E neng—E neng e le Konyana ea Molimo, e hlabiloeng pele ho theoa lefatše. Empa mohopolong oa Molimo ka Sebele, A se a hlabiloe. Ke ne ke le sieo mohlang oo, le uena; empa bukeng ea Molimo, haeba mabitso a rona a ne a le teng mono le ka mohla, le beiloe pele ho theoa lefatše.

<sup>89</sup> Molimo ha o bolela taba, E tlameha ho hlahia. Ka hona ha u phethisa litlhoko tsa Molimo, hopola feela, Molimo o tla Ipontša a be a e hlokomele eohle, u ka tsoelapele feela, ‘me ke mosebetsi o felileng. Oh, na ha e babatsehe? Oh, banna, nahana! Bolella Molimo feela . . . ‘Me Molimo o itse, “Ha u etsa *sena*, le nna Ke tla etsa *sena*.” Be, ha nka ea etsa *sena*, O tlameha ho etsa *sane*.

<sup>90</sup> Joale, diabolosi o re, “U a bona, O a lieha.”

Ha e etse phapang ea letho. Daniele o rapetse hang ‘me Lengeloi la mo liehisa matsatsi a mashopeli-nngoe pele le mo fihlela, empa a se ke a tepella, o tsebile A tla fihla le hona, a ema hofihlela A tlide. Ke ona mohopoloo. Oh, ke hona ha u fumana tumelo. Joale re tlameha ho sutha moo, ho seng joalo re tla tšoara tšebeletso ea pholiso ka potlako, ha ke re? Ke hantle. Yaa, ea tumelo. Empa re batla tšebeletso e folisang moea, ho folisa bokahare, hoba e le hona ho tla nka nako e telele, u rua Bophelo Bosafeleng. Bophelo Bosafeleng ha bo nyamele kapa ho tsofala, bo a sala, bo itulela bo tšoana.

<sup>91</sup> Joale, a nkaoa ke Moea pele ntho efe e etsahala. Ntho eo pele a e entseng, a le sehlekehlekeng sa Patmose (lintho tsena tsohle tseo a li entseng), 'me o itse, "Ka utloa lentsoe," le lintho tse ling tsena tsohle. Empa le pele ntho efe e ka etsahala, a nkaoa ke Moea. Me elelloa seo Bibeleng ea hau, ke Moea ka tlhaku e kholo, Moea o Halalelang. Amen! A nkaoa ke Moea. Oh, ke nahana ho babatseha feela:

*Ka nkaoa ke Moea ka letsatsi la Morena, . . .*

<sup>92</sup> Ka letsatsi lefe? Letsatsi la Morena. Joale, e teng khang e kholo. Ha re e batalatseng, motsotsotso feela.

<sup>93</sup> Joale, ho joalokaha ha re buile hoseng hona, ba bang ba boletse tšenolo, ea Santa Mattheu 17, e ne e le "Petrose." Kereke ea Katolike e itse, "O hahile Kereke ea Hae holima Petrose; e ne e le mopapa oa pele." E ne e ka ba mopapa joang a nyetse? Le a bona? Ha thoe, "Petrose o ile Roma, a patoaa teng." Mpolelle tulo e le 'ngoe, nalane kapa nqa efe, moo Petrose a kileng a ea Roma. Le a bona? Ke Pauluse ea ileng teng, empa e seng Petrose. Ho lokile.

<sup>94</sup> Ka hona re fumana litšomo tsena tsohle le lintho, li hahabile tsa nyoloha. Le a bona? Empa, 'me batho kajeno ba . . . hohle moo u eang teng, ba . . . Kereke e itseng e kholo e tšoere thakhisa tse totomelitsoeng letsohong la Hae. Na le a tseba ba tšoere lithakhisa li le kae, lithakhisa tse kholisitsoeng, kajeno, tse neng li totometsoe . . . ? Leshome le metso e robong. Ba kokositse masapo, ba tšoere—ba tšoere meleka ea likobo, ba li tšoara 'me ba li ama. 'Me ha re—ha re na lintho tseo, ha re li hloke. Kreste o a phela! O ka ho rona, hase thakhisa ea mofuta, kapa leqhetsoana la sefapano, kapa phatsa ea lesapo, kapa eng. Ke Molimo o phelang, o phelang ka ho rona joale, o Iponahatsang. Re tšoere lethoana le leng la sehopotsa, lona ke Selallo sa Morena, ho hopola lefu la Hae. Empa ho latela Kreste ka Sebele, O na le rona mme o ka ho rona. 'Me ke eona ntho eo re batlang ho e tsokotsa (khanya ea Moea o Halalelang) ho lefatše. Ho O tsokotsa hofihlela Leseli le tsoile. Ho lokile.

<sup>95</sup> Joale, eona . . . Ka hona, le a bona, re nkile lehlakore le leng la tsela. Le a tseba haesele ke lekile ho ba tjena, 'me Morena oa rona esale a ntšenoletse eona; lehlakore le teng le tlolang, le lehlakore le leng le tlolang moeli, empa 'Nete e robetse bohareng ba tsela. Na le lemoohile Esaia, moo A boletseng ho tla hlaha 'mila? Ho Esaia 35. 'Me le hopola kamoo Manazarene a rona a theko e thata ba binneng sefela seo, le a tseba, "'Mila oa Khalalelo. 'Mila oa Khalalelo.' Joale, ha u ka bala Bibele ea hau ka tšoanelo, ha e re "'mila oa khalalelo." E itse, "Ho tla ba le 'mila le tsela, 'me e tla bitsoa," e seng 'mila oa khalalelo, empa "tsela ea khalalelo." 'Me ke lehokanyi le phethelang polelo ea hau. Le a bona? "Ho tla ba le 'mila le tsela, 'me e tla bitsoa tsela ea khalalelo," e seng 'mila oa khalalelo.

<sup>96</sup> Le a bona, ha tsela e betloa, *tsela* . . . Tsela e ntle ha e teoa, mokokotlo o bohareng, ho hlatsoetsa mahoholi ohle maphakong a mabeli. Ke eona. Motho ha a hlile a tla ho Kreste, o tsepamisitse a hae ho Kreste. Ha e batla e le motho ao maikutlo, o tla hlahaafala. Ha a batla a hatsetse, o tla oela lehlakoreng le leng e be komkomere feela, ka lehlakoreng lane; le a bona, bohlalefi ba hae. Empa ntho ea sehlooho ke bohare ba tsela hantle, Moea o lekaneng ka ho uena, o u baballa u futhumetse 'me u nka khato. Amen! Le ho tseba ho lekaneng ho u baballa kutlong ea Moea, ho tsamaea kamoo Moea o tsamaeang; e seng ho fihlela kapa e seng ka morao, kamoo Moea o hatang kateng.

<sup>97</sup> Kereke ea Katolike e itse, "Tšenolo e ne e le Petrose."

Kereke ea Protestanta e itse, "E ne e le Kreste."

Empa Bibebe e a ruta, "E ne e le Tšenolo A e neiloeng (Molimo a mo e neileng eona) ea Kreste."

"U Kreste, Mora Molimo o phelang."

"U lehlohonolo Simone, mora Jonase, hase nama le mali tse u senoletseng hona, hase motho, seminari, kapa monasteri, ntho efe, ea u rutileng Eona. Empa Ntate oa Ka ea leholimong o u senoletse sena. U Petrose, holim'a lejoe lena Ke tla haha Kereke ea Ka, 'me likhoro tsa lihele li ke ke tsa E hlola."

<sup>98</sup> Joale re fihla mona moo ba kakatletseng mehopolo e 'meli e fapaneng. Joale, nka ba phoso; haeba ke le joalo, Molimo o ntšoarele. Empa ke tlil'o latolana le Masabatha a rialong, "O ne a kene letsatsing la bosupa, letsatsi la Morena." Baena ba Sabatha, bongata ba bona, bo re e ne e le letsatsi la bosupa leo a le bitsitseng letsatsi la Morena. Kereke ea Bokreste e le bitsa, letsatsi la Morena, "E—e Sontaha, letsatsi la pele." 'Me re a elelloa khafetsa hore—hore kereke ea Bokreste le joale, kajeno, batho ba Protestanta, ba le bitsa "Letsatsi la Morena, Sontaha." Ha e lumelanle le mangolo. Sontaha e ne e le letsatsi le qalang veke ka Bibeleng, e seng letsatsi la Morena. 'Me ebile e ne e se letsatsi la bosupa, sabatha. E ke ke ea ba lefe la matsatsi ao hobane Johanne o qetile lilemo tse peli a ntse a ngola Tšenolo. E ne e le letsatsi lefe ho ao? Matsatsi a supileng a mangata mme ho feta matsatsi a qalang a fetang.

<sup>99</sup> Bibebe, Tšenolo e ngotsoe ho qala ka A.D. 95 ho isa ho 96, lilemo tse peli. E ne e le letstsi la Morena. Letsatsi la Morena ke seo e se boletseng hantle, 'me ke seo e neng e le sona. Johanne o na hapeloe letsatsing la Morena ke Moea. Lena ke letsatsi la motho, empa letsatsi la Morena le a tla. Tlase Mangolong re tla fumana hoba o ne a le letsatsing la Morena, a hapuoe ke Moea mme a fallisetsoa letsatsing la Morena. Amen! Ke hantle. Le a bona, o ne a le letsatsing la Morena. Bibebe e bua ka letsatsi la Morena. Re tla kena ho eona nakoaneng, Mangolo a mangata.

<sup>100</sup> Ntho ea pele, letsatsi la sabatha, ha re bua ka lona, letsatsi la sabatha hase ho boloka letsatsi le ikhethang. Ha re a fuoa

molao ho boloka Moqebelo kapa sabatha. Ha re na molao oa ho boloka letsatsi le qalang kapa sabatha, kahara Testamente e Ncha. Bibele e itse, ho Baheberu khaolo ea 4, “Efela holane Jesu a ba file phomolo, hamarao A ka be a sa bolela letsatsi le leng.” Ke hantle. Empa phomolo e sa le teng, kapa ho boloka sabatha, ho batho ba Molimo. Hobane rona ba lumetseng, hape, re se re kene phomolong ea Hae; re phomotse mesebetsing ea rona joalokaha le ona Molimo ho ea Oona.

<sup>101</sup> Shebang! Oh! Ho bokoe Morena. Ke qala ke ikutloa hamonate, ke iketella pele.

<sup>102</sup> Lemohang, ka letsatsi la sabatha. Molimo o hlotse lefatše ka matsatsi a tšeletseng, 'me ka letsatsi la bosupa Oa phomola 'me ha o eso boele oa bopa mafatše hape. 'Me O e neile batho e le sehopotso. Hobane hona joale le ka sitoa ho e boloka, hobane joale mona ha u boloka sabatha, lehlakore le leng la lefatše ke Sontaha. Le a bona? Ka hona e bontsitse e baletsoe batho, lekhathe le nako bakeng sa Iseraele. Empa ho boloka-sabatha ho sa ntse ho saletse batho ba Molimo.

*Empa haele rona ba...lumetseng re tla kena phomolong ea Oona,...athe mesebetsi...(Ke qotsa Baheberu, khaolo ea 4)...athe mesebetsi esale e ne e phetheha esale ho theoa lefatše.*

*Hobane ha o bolela sebakeng se seng...o itse,... letsatsi la bosupa...*

*Hape hona mona, o boetse o beile letsatsi le leng, ha o bolela ka molomo oa Davida... (lona ba e ngolang fatše, Baheberu 4)*

*Hape hona mona, o beile letsatsi le leng, ha o bolela ka molomo oa Davida, Kajeno, ka mora litšiu tse ngata; ha le utloa, Ha le utloa... kapa ho thoe, Ha le utloa lentsoe la oona, le se ke la thatafatsa pelo tsa lona.*

*Hoba holane Jesu o ba kentse phomolong, (letsatsi)... o ka be o sa ka oa bua hamorao le leng letsatsi.*

*Ha ho le joalo ho sa setse... phomolo (kapa ho boloka sabatha)...*

<sup>103</sup> Lentsoe “phomolo.” *Sabatha* ke lentsoe le mohlolo ho rona, le bolelang “phomolo.” Ke lentsoe la Seheberu le bolelang “phomolo” letsatsi, letsatsi la sabatha; le se ke la sebetsa, phomolang.

*Hobane holane Jesu o ba kentse phomolong,... o ka be o sa... o sa ka oa bolela letsatsi le leng.*

*Ha ho le joalo e teng e sa saletseng... phomolo (kapa ho boloka sabatha) batho ba Molimo.*

*Hoba rona re kenang phomolong ea oona,...re a phomola...mesebetsing ea rona, joalokaha oona Molimo.*

<sup>104</sup> Ha re e boelle letsatsi le hlahlamang la veke re qalisa hape, re kene Phomolong. Jesu thutong ea mahlohonolo, O itse, “Le utloile hoba ho boleletsoe baholo ha thoe, ‘U se ke oa bolaea.’ Na Ke re ho lona, motho leha e ka ba mang, ea halefelang ngoanabo feela, o se a bolaile. Le utloile ho boleletsoe, baholo ha thoe, ‘U se ke oa feba.’ Ke molao oo. Empa Ke re ho lona, ea talimang mosali ho mo lakatsa o se a mo febile pelōng ea hae.” Na ho joalo?

<sup>105</sup> Ka hona lintho tsena tsohle e ne e le lihopotso, lipontšo feela, mehlolo, li emetse nako ea mannete ho fihla. Joale, eitseha Jesu a qetile seo, Mattheu 11, (thuto ea mahlohonolo), O itse:

*Tloong ho 'Na, bohle ba lona ba imeloang, ba khathetse, 'me le imetsoe, 'me Ke tla fumanela meeng ea lona phomolo.*

*Inkeleng joko ea ka, le ithute ho 'na; hobane ke mosa 'me ke bonolo... (na ho joalo?)*

*Tloong ho 'na, lona bohle ba khathetseng le ba imetsoeng... ba imetsoeng, 'me ke tla fumanela ho meeā ea lona phomolo.* (“Haeba u sebelitse letsatsi, matsatsi a leshome, lilemo tse hlano, lilemo tse mashotharo-hlano, lilemo tse mashome a mahlano, lilemo tse mashome a robong, 'me u khathetse 'me u imetsoe, tloo ho 'Na, Ke tla u fumanela Phomolo. Ke tla u imolla moroalo oa sebe, le ho kena ho uena, ho u fumanela phomolo e phethehileng le khotosfalo.”)

<sup>106</sup> Joale, phomolo eo keng? Ha re—ha re e batalateng sena nakoana feela, ho bona seo e leng sona. Ba bang ba bona ba itse, “Khele, tsa'mo ingolisa le kereke.” Che! “Ngola lebitso la hau bukeng.” Che! “Be, kolobetso e itseng ea metsi.” Che! Ha re e batalatseng re bone seo e leng sona. Na le ka rata ho etsa ho hantle mona re sa eme? Re tla bona moo Johanne a ileng teng. O ile koana letsatsing la mofuta ofe?

<sup>107</sup> Mohla Jesu a neng a shoa lefatšeng, le mosebetsi oa Hae o phethiloe, O kene nqa e 'ngoe.

<sup>108</sup> Joale ha re khutleleng ho Esaia khaolo ea 28, le temana ea 8. Ke a kholoa, joale, Esaia 28:8. 'Me re bale, Esaia 28, moporofeta o bua lilemo tse makholo a supileng le leshome le metso e 'meli pele e etsahala. Joale, ba ba kae ba ka ratang ho tseba seo *sabatha* ea mannete e leng eona, phomolo ea mmanete e leng eona? Ke ena. Joale, moo moporofeta a e buileng ke mona, 'me ke tla le bontša moo e etsahetseng. Shebang, Esaia 28:8:

*Hobane kaofela... (moporofeta o porofeta ka matsatsi ana)*

*Hobane litafole tsa bona kaofela li tletse mahlatsha le litsila,* (batho ba jang selallo, ba tsubang ba noang ba bua leshano ba utsoa)... ha ho sebaka se hloekileng.

Ebe o *tla ruta mang bohlale?*...

O tla utloisa mang tsebo kajeno?

<sup>109</sup> Ba ba kae ba utloileng Billy Graham kajeno? O rerile ther e babatsehang, kamoo batho ba ka lumelang leshano ba tiisetse leshano leo 'me—'me ba le ipeha ba lokileng ba hopola ba etsa ka ho loka. Mokhupi oa Amerika o amohelang, o itse, le ho re, "Sefe ea monna ea bohlale, le sikarete sa monna ea tsubang," ho amohela le leng la mashano a diabolosi, athe e mo fetola sethoto, leha e ka bang mang, ho tsuba ntho e kang eo ho leka ho mo fetola monna ea bohlale. Ke sethoto esita le ho se tsuba, ha ntho e . . . athe se tletse lefu le mofetše le ntho eohle, 'me o sa ntse a se butšoella tlase matšoafong a hae. Ke sethoto. Hase e—hase e—e sefe ea monna ea kelello, 'me ha ho ntho e joaloka eo. Monna ea bohlale ha a sebelise nyee eo.

<sup>110</sup> "Ha ho bophelo haese ho Oertel's 92," kapa ntho e kang eo. Ha ho Bophelo kantle ho Kreste, ke bona Bophelo ba sebele ba mannete. Banna le basali ba qosoa keng ho noa nyee eo? Hobane ba leka ho kotsofatsa lenyora le ka mono leo Molimo o le kentseng ho nyoreloa Oona, 'me ba leka ho le khotsopatsa ka lintho tsa lefatše. Ke lebaka leo re fumanang lintho tseo. Batho ba itšoara joalo ke hona, hobane ba leka ho timola lenyora leo la bona bakeng sa Molimo, 'me diabolosi o ba neha lefu sebakeng sa Bophelo.

. . . *litafole tsohle li tletse mahlatsa . . .*

<sup>111</sup> Tšebeletso ea bolisa, ntho efe esele, e bua ka eona, "Ho itoketse ho ithabisa nakoana." Ha ho ntho e kang eo!

Ke mang o *tla ruta mang tsebo?* 'me o *tla mang . . . utloisa thuto?* *hleka ke bana ba tsoa khoesoa, kapa ba tlotsioeng letsoeleng.* (Joale ha re sa le masea.)

*Hobane ke molao holima, molao holima molao; taelo holima taelo, taelo holima taelo; mona hanyenyane, le mane hanyenyane:*

*Ka baka leo ke ka melomo e kokotletsang le ka maleme asele a tlang ho bua le sechaba sena.*

*O na be a se a boletse a re, Mona ke . . . (eng? Ho boloka sabatha!) . . . nqalo ea phomolo le tle le baballe batho ba khathetseng . . . ("Tloong ho 'Na lona bohle ba khathetseng le ba imeloang.") . . . le baballe batho ba khathetseng ka phomolo; 'me mona ke nqalo ea khatholoho: empa ba hanne ho utloa.*

<sup>112</sup> E etsahetse neng? Lilemo tse makholo a supileng le leshome le metso e 'meli hamorao ka Letsatsi la Pentekosta mohla melomo e kokotletsang e neng lula holima batho 'me bohle ba tlala Moea o Halalelang 'me ba qala ba bua maleme a sele 'me, Moea o Halalelang oa hapa maphelo a bona, 'me ba khaotsa linthong tsa bona tsa lefatše. Ba ntoo ke Phomolong le Kreste. Pauluse o boletse, ho Baheberu khaolo ea 4, "Rona ba keneng

phomolong ea Oona re khaolitse liketsong tsohle tsa lefatše joalokaha Molimo o khaolitse ka letsatsi la popo ea Oona, Oa kena phomolong ea Oona, 'me re kena 'moho le Oona hoba mesebetsi ea rona ea lefatše e fele." Ke eo Sabatha ea lona ea makhonthe, ea sebele.

<sup>113</sup> Ka hona Pauluse a haptjoa a nkoa ke Moea oo oa Sabatha, a fallisetsoa ke Moea o Halalelang hole koana letsatsing la Morena.

<sup>114</sup> Hobaneng re fumana lintoa? Hobaneng re fumana mathata? Hobaneng sechaba se le khahlano le sechaba? Jesu o tlide, Khosana ea Bophelo, 'me ba Mo bolaile.

<sup>115</sup> Livekeng tse 'maloa, kapa esita le hona joale, ho fumanoa likhama le boSanta Klause le-le mangene-ngene mme ho leketlisitsoe lintho tsa mefuta, e leng litemalo tsa bosalumele. Ke hlophiso ea kereke ea Katolike. Batho ba lefang meputso e meholo ba ananya limpho le lintho tse joalo, bosalumele! Keresemose ke letsatsi la ho rapela.

<sup>116</sup> 'Me ebile, Kreste ha a tsoaloa ka la mashome a mabeli a metso e mehlano Tšitsoe le hona. O be a ka sitoa. Haeba u kile oa fihla Judea, maralla a letse lehloa, hampe ho feta mona. Ho tsoaloa ka 'Mesa mohla thaho eohle e hlahang.

<sup>117</sup> Joale, empa ke neeletsano ea bona. 'Me hobaneng—hobaneng re etsa lintho tseo? Hobane re latetse lineeletsano tsa batho sebakeng sa melao ea Molimo. Bao...Ntho e joalo hase letho, empa ba e fetotse letsatsi la khoebo. Ke lihlong, ke tlotollo ha ba etsa lintho tse kang tseo. Seboka sa bosalumele! Santa Klause o kile a amana joang le Jesu? 'Mutla oa Paseka kapa khoho kapa...e ferefiloeng ka enke ea mofuta kapa eng, kapa nthoana 'mutla o mosoeu o amana kae le tsoho ea Jesu Kreste? Na ha le bone kamoo lefatše la khoebo....?

<sup>118</sup> Lebaka leo ba rekisang libuka tsena tsa khale tsa rokonrollo, le litšoantšo tse littšila, le lintho tse kang tseo, kahobane tlhaho ea batho e tsetselela masaoana a joalo. Ke hobane phoso e teng pelong, ha ba eso kene Phomolong eo le Molimo le ho khaotsa linthong tsena. Mohla ba kenang nthong eo ba amohela Moea o Halalelang, ba qetile ka lefatše le ka lintho tsa lefatše.

<sup>119</sup> Molimo o ile oa mo fallisetsa. Oh, ha ke lumele a nkiloe joaloka Pauluse, joale, holimo maholimong a boraro 'me a bona lintho. Ho lokile, Moea o Halalelang o theko e thata o e entse liveke tse 'maloa tse fetileng, mona, ho mpontša... Ka mantsoe a mang, ke ne ke tšaba lefu, 'me Moea o Halalelang oa nkuka oa mpontša seo e neng e le sona. Le utloile bopaki. Eitseha ke khutla, "Ka hona, lefu, tsenene ea hau e kae?" Ho fallisetsoa ho bona se larileng mose ho lesira feela. Oa ntumella ho khutla ho le borella hore mose oane ha re lithotsela le meeaa, re banna le basali, ba bacha, ba sa shoeng, ba sa kule, mose ho lesira feela. Lefu le ke ke la u etsa letho haese ho u hulela Tulong eo hantle.

<sup>120</sup> Joale, Johanne o ne a fallisoe a tlosoa sehlekehlekeng sa Patmose, ka Moea, a isoa koana letsatsing la Morena. Lena ke letsatsi la motho, batho ba loana, empa letsatsi la Morena le tla fihla mohla mebuso ena e tla ba mebuso ea Morena oa rona le Kreste oa Oona, ho ntano fihla Lilemo tse Sekete tse kholo. Letsatsi la Morena, letsatsi la ho khutla ha Hae, kahlolo ea Hae, e tla be e le letsatsi la Morena leo.

<sup>121</sup> Lena ke letsatsi la batho, ke ka lebaka leo ba u rusullang ba u etsa ka o rata ha bona, empa nako e a tla... Ho u bitsa... hona joale ba u bitsa, "mohalaleli-mothetheli le lehlanya," empa nako e tla, le a bona, ha ba sa tla etsa hoo. Ba tla hooeletsa ba lle ba itihele maotong a lona. Bibebe e boletse, ho Malakia 4, le tla hatikela melora ea bona hoba ba chesoe; ho se hhole ho sala motso leha e le lekala. Ke hantle seo Bibebe e se buang, "Ba lokileng ba tla hatikela melora ea bakhopo." Ke eona hantle. Ho se hhole ho sala ho bona motso leha e le lekala, ba se hhole ba khutlela ho letho. 'Me ho tla be ho felile ka bona. Joale lena ke letsatsi la motho (liketso tsa motho, mesebetsi ea motho, kereke ea motho, menahano ea motho), empa letsatsi la Morena le a tla.

<sup>122</sup> Joale, o ne a le Moeeng ka letsatsi la Morena. Ho lokile, 'me sa pele seo a se utloileng ha a le Moeeng ka letsatsi la Morena... Joale re fihlela temana ea 10:

...Moea oa ka oa nkao ka letsatsi la Morena, 'me a  
utloa...a...lentsoe, e ka...terompeta,

<sup>123</sup> Re mpe re se ke ra feta setšoantšo se le seng, joale. Le holane re tlameha ho e thonaka hosane, re ka e nka, le a bona. Motho e mong a behe tšupanako leihlo, ke se tloloe ke nako.

<sup>124</sup> Ho lokile, joale, "...le Moeeng ka letsatsi la Morena." Joale hopolang, ntho ea pele u tlamehang ho e etsa ke efe? Ke ho kena Moeeng. Ebe litšenolo tsena li tla u finyella joang le ka mohla? Kena Moeeng. Ebe u tla fumana Moea o Halalelang joang le ka mohla? Kena Moeeng. Kena Moeeng!

<sup>125</sup> Meh leng u sa le moetsalibe u ne u kenela litantše, u ne u kena moeeng oo. Oh, banna, u ope liatla u qititsa maoto, le ho koebelaka, u lahlela katiba ea hau fatše, le ho likoloha le ho likoloha hape, u itšoare boootla. U ne u kene moeeng oa eona. Le nahang ka mothaka, lekhoba la tantše, le eang tantšeng, ho re, "Be, bohole le nyakaletse, ke a kholoa."

"Oh!" ba ne ba tla rialo. "Tsoa mona, uena palesa se-khabisa-lebota!" Le a bona?

<sup>126</sup> Ha u ea papaling ea bolo, 'me motho a hlaba ntlha, kapa ntho e 'ngoe, ebe u itulela u shebile, ho re, "Be, ke kholoa ho itoketse haholo." Chee, ekabeba ha u morati oa beisebolo, ekabeba ha u oa sebele...ekabeba ha u moeeng oa beisebolo. Motho ha a hlaba ntlha, u raoha u hlaba litlatse, "Shuu! Khele! Tholo!" U pheule katiba ea motho hloohong joalo, ha ho motho ea buang letho.

<sup>127</sup> Empa ha u kena Moeeng kahara kereke, u raoha u hlaba litlatse, “Khanya! Allelua! Ho bokoe Morena!”

Motho o retoloha, a re, “Mohalaleli-mothethehi.” (Oh, Moena Wood . . .)

<sup>128</sup> Ke tlil’o le botsa potso. Efela ha re le bahalaleli-bathethehi ka ho etsa joalo, bona ke bathethehi-*basahalale leng* kantle mane. Nka mpa ka ba mohalaleli-mothethehi (Lona le reng?) ho ena le ho ba easahalale leng. Khele! Ruri! Bathethehi-*basahalale leng*.

<sup>129</sup> Joale, o ne a le Moeeng. A kena Moeeng, eaba lintho li qala li etsahala. ’Me hoba a kene teng, a utloa terompeta. Joale, kamehla terompeta e tumisa ntho e tlang. Joaloka ho atamela . . . E—e khosi e atamelang, ba butšoela terompeta. Mohla Jesu a atamelang, O tla letsa terompeta. Ke hantle? Mohla Josefa a neng a atamela, ba letsitse terompeta. ’Me hona joale ntho e a atamela, Johanne o Moeeng ’me o utloile terompeta. O utloile terompeta, eaba o hetla ho bona se ka mora hae ha a utloa terompeta; hoba a kene Moeeng.

<sup>130</sup> Ekaba o hobetse, a tlolaka, a tlalaka a likoloha sehlekehleke. A inyakaletse hamonate, a kene Moeeng. Ka hona, ’me a . . . E ka re e thunthetsa borapeli, empa ha ke a e lekanyetsa joalo, le a bona. Ekaba o e entse! Hoo ke . . . be, e ka ba o e entse. Ke lumela a ne a inyakalsetse hamonate Moeeng, a rorisa Molimo feela, ka ha ho etsahetse joalo khetlo la pele mohla Moea o neng o theohela holim’ a bona. Mohla Moea o Halalelang o neng o theohela holim’ a bona, ba therekesela joaloka banna le basali ba tahiloeng, ea ka ba tahiloe, ba holoketsa. Le ho bitsa- . . . ho itšoara joalo batho ba ba ba re, “Batho bana ba khots’ e veine e ncha.” Ba kile ba itšoara joalo khetlo la pele, eaba Moea o tšoloha hape, ekaba o itšoere ka ho tšoana. Le a bona? Ha ho letho le lecha ka ntho ena—ena, bona ke borapeli ba *mehla-eakhale*. Yaa.

<sup>131</sup> “Moeeng ka letsatsi la Morena.” Joale, re a e utloa. Joale ke eng? Joale, o ne a etsang? O ne a hapuoe a tlositsoe sehlekehlekeng joale, a kene Moeeng, a isoa koana letsatsing la Morena. ’Me hang hoba a fihle koana letsatsing la Morena, a utloa terompeta. Ke eng? Ke Motha ea tlang. Ho atamela E moholo. Terompeta e a lla, Motha o a tla! A sheba! Allelua! Terompeta:

A re, Ke ’na Alfa le Omega, oa pele le oa morao: . . . (ha ho tumisoe moifo oa bobeli kapa moifo oa boraro, empa ona feela Moifo to) . . . Ke ’na Alfa le Omega ’moho, . . . (“Pele Ke u bontša letho lefe, Ke batla hore u tsebe na Ke mang!”)

<sup>132</sup> E kholohali hara litšenolo tsohle ke Bomolimo, Bomolimo bo Phahameng ba Morena oa rona Jesu Kreste. Ha u khone le ho tlosa leoto pele u lumela seo, ho tsoa . . . Ke seo Petrose a

se boletseng, “Bakang, le ntoo bona Bomolimo. Kolobetsoa ka Lebitso la Jesu Kreste tšoareleng ea libe tsa hau, u tla be u le malala-a-laotsoe ho kena Moeeng.” Taba ea pele eo u tlamehang ho e tseba ke Bomolimo ba Kreste. “Ke ’na Alfa le Omega! Ke qala ho A ho isa ho Z, ha ho e mong haese ’Na. Ke ne ke le qalong, Ke tla ba teng qetellong. Ke Ea neng a le teng, ea leng teng, le ea tlang ho tla, ea Matlaohle.” E nahaneng! Ke seo terompeta e se buileng.

<sup>133</sup> Ela hloko Johanne! U kene Moeeng, ntho e tlil’o senoleloa uena. Ke eng? Molumo oa terompeta, ntho ea pele, “Ke ’na Alfa le Omega.” Ea pele hara litsenolo tsohle. (Oh, uena moetsalibe, inama, baka hona joale pele nako e feta.) “Ke ’na Alfa le Omega.” Ke ntho ea pele eo A mo tsebisang eona, hore E ne e le mang. (Ke Mang enoa ea tlang? Na enoa ke Khosi Jesu? Khosi Molimo? Khosi Moea o Halalelang?) O itse, “Ke Hoo hohle! Ke qala ho A ho isa ho Z. Ke ’na qalo le qetello. Ke ’na Easashoeng, Mohlolehi!”

<sup>134</sup> Hamorao feela re Mo bona ka boperesone ba Hae ba mekhahlelo e supileng, le shebe seo A leng sona lekhatheng leo. “Ke ’na qalo le qetelo. Ke ’na Alfa le Omega, oa pele le oa morao. Ke tlide pele oa ho qala a eba teng; le mohla oa ho qetela a leng sieo, Ke tla ba teng,” ka mantsoe a mang. “Oa pele le oa morao!”

...’me, Seo u se bonang, u se ngole bukeng, u  
ntoo se romela...ho likereke tse supileng tse Asia;  
ngolla Efese, ...Smirna, ...Pergame, ...Thyatire, ...  
Sarda, ...Filadelfa, le ho Laodisea.

<sup>135</sup> Ho lokile, tšenolo ea pele hara tsohle ke Bomolimo ba Jesu Kreste. U tšoanelo ho Mo tseba na ke mang ha u utloa Puo. Ho lokile, eona Puo e utloahetseng holim’ a Thaba Sinai, eona Puo e utloahetseng holim’ a Thaba Phetolelo, eena Eo, “Ea kang Mora motho.”

<sup>136</sup> Joale sheba temana ena e latelang. Ho lokile:

*Eaba ke reteleha . . . (Khaolo ea 12 joale.)*

<sup>137</sup> Re tla siea likereke tsena motsotsotso feela, hobane veke ena eohle e tlela likereke tsena. Le a bona, ka hona re tla e tlola holimo feela.

<sup>138</sup> Empa O itse, “Tsena . . . Ke tla u laela ho romela Molaetsa ona oo Ke u bontšang ona.” Ke mang? “Ke ’na oa pele le oa morao. Ke ’Na ea Phahameng. Ke ’na Ea Matlaohle. ’Me Ke tlide ho u bolella hobane Ke u neha Molaetsa ona ho isoa likerekeng tse supileng. Ke batla hore u O ngole, le ho O hlophisa.” Le a bona? “Me likereke tse supileng li Asia.” Joale, likereke tseo mohlang oo li ne li fupile semelo sa mengoaha ea kereke e tlang ho hlahlama.

<sup>139</sup> Joale:

*Eaba ke reteleha ho bona lentsoe le buang ho 'na. Eitse hobane ke retelehe, ka bona likandelare tsa gauta tse supileng;*

<sup>140</sup> “Likandelare tse supileng tsa gauta.” Joale, ke e . . . Phetolelo ea King James, le ka tšoha le tšoere Scofield kapa—kapa Thompson Chain, kapa tse ling tsa tsona, ha e a loka mono. Ha e re likandelare, e re lilampiholdara; lampisetende, ke a kholoa, ke lona lentsoe le lokileng, le nepileng le boleloang phetolelong ea mantlha. Le a bona, ka mantsoe a mang, likandelare tsena tsa gauta tse supileng e ne e le likereke tse supileng. Hamorao o a bolela, tsona tse su- . . . ho temana ea 20 mona, “Likandelare tsa gauta tse supileng tseo u li boneng ke likereke tse supileng.” Ka hona, le a bona, holane e le kandelare, e ka cha kapele ea tima, nakoaneng feela. Empa hase likandelare, ke e—e lampistende. E hlhisoa e le lampistende. “Eitse hobane ke retelehe ka bona e mong ea kang Mora motho a eme mahareng a . . . mahareng a lilampistende tse supileng.”

<sup>141</sup> Joale—joale shebang. Kandelare e ka tuka ea cha kapele, ea tima, e se hlore e ba teng, ea tuka ea tima lihoreng tse 'maloa. Empa lampistende, lampistende tjena, . . .

<sup>142</sup> Mona, ha re—ha re phetleng Lengolo mona, ha re—ha re phetleng Zakaria 4:1, re ka fumana ho Zakaria seo re se batlang. Zakaria 4:1, 'me tabeng ena re ka tšoha re—re hotolla seo re se batlang. Nke ke ka thola Zakaria ho Sofonia, na nka khona? Ho lokile. Ho lokile. Bibele ea ka ea khale e felile. Zakaria 4:1, mamelang ka hloko joale, mona le fumana setšoantšo se setle:

*'Me lengeloi . . .*

<sup>143</sup> Moporofeta, joale, lilemo tse makholo a mahlano le leshome le metso e robong feela pele ho Kreste:

*'Me lengeloi le neng le bua le 'na la boela la khutla, la ntsosa, joalokaha ho tsosoa motho borokong, (Joale moporofeta o hapuoe ponong.)*

*Mme a re ho na, U bona'ng? Ka re, ke talimile, ke bona kandelare . . . (Joale, ke lona lentsoe le fetoleloang lampistende.) . . . ea gauta feela, e nang le nkho . . . ntlheng ea eona, (E ne e le lampi.) . . . le lilampi tsa eona tse supileng kaholimo ho eona, le lipomponyana tse supileng ho e ngoe le e ngoe ea lilampi tseo, tse ka holimo ho eona: (Le a bona, ho nyoloha eona mengoaha e supileng ea kereke. Le a bona?)*

*Le mehloaare e 'meli pela eona, . . . (Joale ke mofuta ofe oa . . . Ba ne ba hotetsang kahara lilampi tseo mehleng ea Bibele? Ho tseba mang? Oli. Oli ea mofuta mong? Oli ea mohlooare.) . . . mehloaare e 'meli . . . (Ke eng? Testamente e Ncha le Testamente ea Khale; tse peli li eme pela eona.) . . . o mong ka ho le letona la nkho, o mong ka ho le letšeħali.*

*'Me eaba ke bolella lengeloi le buang le 'na, ka re, Ntho tseo keng, monga ka?*

Mme Lengeloi le buang le 'na la nkarabela la re, Na ha u tsebe hore ntho tseo—tseo keng? Ka re, Che, monga ka.

Mme o mpolella, a re, Ke lentsoe la MORENA ho Sorobabele, le reng, Hase ka matla, hase ka borena, empa e le ka moea oa ka, ho bolela MORENA oa makhotla. (O tla buseletsa Jerusalema.)

<sup>144</sup> Joale, kandelare keng? Ke lampistende. 'Me lemohang bottle ba eona. Mona, eitseha a reteleha, a bona e Mong ea kang Mora motho a eme mahareng a lilampistende tsa gauta tse supileng, tse bolelang mengoaha e supileng ea kereke e tleng ho tla. 'Me pompo ka 'ngoe, kapa—kapa lampistende, e nokeloa letšaneng le leholo la oli. 'Me oli ena e nyolohela lamping e makatsang e hoketsoe khole 'me khole eo e leketlela kahara oli. 'Me ha feela... Ba ne ba tšela oli ntlheng ea setende, e ntano tlatsa kutu e kholo ea sehlooho, le lekala le leholo, e ntoo phalla e tsoa e kena likutung, tjena. 'Me lampi e na le khole e lepellang, pompo ena—ena kahara... e lula e tuka, motšeheare le bosiu. U sa tlameha ho e hotetsa le ka mohla, e sa time le ka mohla; ba lula ba tšela oli feela pompong ea sehlooho. 'Me lilampistende tsena tse thakhallang tjena, lilampi tseo li lutse kaholimo ntlheng ea tsona. Khole e tsoang lamping e matha e theohela ka mona, e monya bophelo ba eona ho tsoa mona. Oh, e fapania le kandelare hakakang. E fapania hakakang! Ke lampistende, 'me e monya oli.

<sup>145</sup> Joale, lilampistende tsena, mollo o kaholimo ho lilampistende tsena kahara Testamente ea Khale. Enereha ba hotetsa lampi e 'ngoe, ba ke ke ba hotetsa lampi e latelang ka mollo oo ba o tšoereng letsohong la bona. Ba ne ba hotetsa lampi e 'ngoe, ba ntoo e phahamisa ba hotetsa lampi e 'ngoe, ba ntoo e beha fatše. 'Me ba hotetse lampi ena, ba ntoo tšoara lampi ena ba e hotetsa ka mollo oo ba qalileng ka ona tšimolohong. Oh, ke tšepa e sa fete holim'a lihlooho tsa lona. "Jesu Kreste maobane, kajeno, le kamehla," mollo o le mong (Moea o Halalelang) o hotelitse e 'ngoe le e 'ngoe ea likereke tseo ho theoha le mongoaha.

<sup>146</sup> Na Jesu ha a bua ho Santa Johanne 15, "Ke 'na sefate sa morara, lona le makala"? Joale, Ke sefate se seholo sa Morara, rona re makala. Joale, hase morara o behang tholoana...

<sup>147</sup> [Sekheo lebanteng—Mohl.]... o ka nka sefate sa sitrase sa molamunu, joaloka lamunu, 'me oa khola e—e lekala ho—ho, be, nka re, sefate sa tholoanamorara, oa petsola tuloana sefateng sa lamunu oa sunya tholoanamorara eo ho sona, se tla hlaha. Ha u tloha mona o tšoara lekala la lemone u le sunya sefateng sa lamunu, le tla mela. Kapa u nka garanate, u e nka. Kapa tholoana efe ea molamunu ea sitrase, thanjerine kapa thangelo,

efe ea litholoana tseo tsa sitrase, oa e entela sefateng sena, le tla atleha ka bophelo ba sefate seo sa lamunu; feela le ke ke la beha lilamunu. Le tla beha litholoanamorara, le tla beha lithangelo, le tla beha lilemone, empa le atleha ka bophelo ba morara oa 'nete, empa ekareha morara oo o hlahisa morara o mong... lekala le leng, e tla ba la bophelo bo tšoanang le ba ona, le tla beha lamunu. Hobane, qaløng, motsong oa lona ke bophelo ba sefate sa lamunu, empa a mang a ka phela ka bona ha feela tlhaho ea oona e le tholoana ea sitrase. Empa le ka sitoa ho beha tholoana ea mantlha, hobane hase ea mantlha.

<sup>148</sup> Le kereke e a itšoanelia. Ba petsotse Morara ba entela Presbeteriene, Methodise, Baptise, le joalo ka tsela eo. E beha tholoana ea Baptise, tholoana ea Presbeteriene, tholoana ea Methodise, empa haeba le ka mohla... haeba sefate seo se ka beha morara o mong le ka mohla, e tla ba morara oa mofuta oo E o hlahisitseng ka Letsatsi la Pentekosta: Morara oa mantlha! E tla bua ka lipuo e rue matla le lipontšo tsa Kreste ea tsohileng ho eona. Hobaneng? Hoba e atleha ka mohlolii oa tlhaho oo e lenngoeng ho oona. Ka tšoanelo, ha e a lengoa ho sona, e tsoaletsoe ho sona! Ho bokoe Morena! Oh, banna! Ke ne ke sa e hopola lekhatheng leo.

<sup>149</sup> Le a bona, tse ling tsena li entetsoe kahare; ba li entela kahara sefate, ka hona li beha tholoana ea mofuta oa tsona. Ha li khone ho nka *Sena*. Ha li lumele *Sane*, hobane ha li eso tsebe letho ka Eona. Empa haeba li tsoaletsoe Bophelong bona bo tsoang sefateng seo, li ka beha hoo feela, hoba ke Bophelo ba kutu ea mantlha.

<sup>150</sup> Lilampistende tsena tsohle li khohlela letšaneng le le leng le leholo, holdara e le nngoe e kholo, ke mefuta e fapaneng e robong... kapa lilampiholdara tse fapaneng tse supileng li tsoa ho sona. 'Me ha li entse, le leng le le leng la maseli ao le ne le momona bophelo mohloling oa sehlooho. 'Me leseli la eona le chabisoa ke hobane kandelare ea sona e liketse kahara faki e kholo ena. Oh, ke setšoantšo se setle hakakang sa e 'ngoe le e 'ngoe ea linaleli tse supileng tseo (e ne e bapisa seo) ka bophelo ba eona bo tukisoang ke Moea o Halalelang mona. 'Me e... Ka tumelo o tukisoa ke Moea o Halalelang, 'me bophelo ba hae ke kandelare, kapa e sang kandelare, empa khole ea pete e liketseng ho Moea o Halalelang (ka ho Kreste), 'me ka khole eo o momona Bophelo ba Molimo ho chabisetsa kereke ea hae Leseli. Oh, papiso e kakang ea molumeli oa sebele! O chabiso Leseli la mofuta ofe? Lona Leseli le kang le qalileng kandelare ea pele e hotelitsoeng.

<sup>151</sup> Mongoaha oa kereke ea pele ha o qala, e ne e le Efese. Pauluse, lengeloi la kereke eo, e 'ngoe ea linaleli. Linaleli li supile li lekanya mangeloi a supileng, ba supileng "baromuoaa." Vekeng ena nka qotsa Lengolo le nalane ka le pakela hore e mong le e mong oa bao ke lengeloi ka leng ruri, 'me lengeloi ka leng le ne

le tšoere Leseli le tšoanang. Ke hantle. 'Me hantle mahareng a mengoaha ena, e moholo Eo ea tlang.

<sup>152</sup> Lemohang, joale ba momona ho tsoa faking ena ea Oli ea sehlooho, Leseli... bophelo bo innoe ka ho Kreste. U shoele, 'me bophelo ba hau bo patiloe ka ho Kreste ka... kapa bo patiloe ho Molimo ka Kreste, le ho tiisoa ke Moea o Halalelang. Ha ho mokhoa oa ho u tlosa mono le ka mohla. U ka e khona joang? Ha ho motho ea ka tšoenyanang le uena. Qetello ea bophelo ba hau e tukisoa ke Moea o Halalelang; oh, ho tuka, ho chabisa Leseli. Qetello e 'ngoe ea bophelo ba hau e innoe kae? Ka ho Kreste. U shoele 'me u patiloe ka ho Kreste, Moea o Halalelang, o sirelelitse mono hofihlela u ka... diabolosi a ke ke a u ama. Amen! A ka bobola a ba a hloliea. Esita le lefu bolona le ke ke la u ama, "Oho uena lefu, tsenene ea hau e kae? Tlholo ea hau e kae? Ho bokoe Molimo o re neang tlholo ka Morena oa rona Jesu Kreste."

<sup>153</sup> Qetello ea temana ena, ha re e baleng:

...Eitse hobane ke retelehe, ka bona ka bona likandelare tsa gauta tse supileng;

'Me hara likandelare tse supileng tsa gauta ka bona e mong ea kang... Mora motho, ...

<sup>154</sup> Khele! Na le lemohile? Linaleli, likandelare, lilampi. Ebe e bolelang? Ebe sena se bolelang? Hore lekhathé lena leo re phelang ho lona ke nako ea bosiu, likandelare le linaleli li lekanya bosiu. 'Me naleli e etsang? E halimisa leseli la letsatsi hofihlela letsatsi le khutlie. Ho bokoe Lebitso la Morena! 'Me moreri oa sebele oa Molimo ha a halimise foleshelaete ea mofuta, thutsoana ea mechisi, lekhapetla le tukang; ho halimisetsa Kereke mahlaseli a masehla a Kreste, ho re "O a tšoana, 'me O a phela, 'me O khantšelitse 'na." Amen! Ke lona Leseli leo a le halimisang. Naleli e halimisa leseli la letsatsi, le a bona, ka hona re halimisa Leseli la Mora Molimo. Ho etsa lintho tseo A li entseng, ho khantša Leseli. Leseli la mofuta ofe? Leseli la Evangelí ho bao.

<sup>155</sup> Joale ha re Mo shebeng ho ea pejana hape, re sa nka temana ena eohle ea 13:

'Me hara (ke mahareng) ka bona e mong ea kang...  
Mora motho, ea apereng kobo e hohobang maotong, ea itlamileng sefubeng ka senyepa sa gauta.

<sup>156</sup> Joale bopaki bo bong ba hore thuto ena e mabapi le letsatsi la Morena e nepile ke bona. Na le Mo lemohile? E ne e se moprista mehleng ena, hape E ne e se khosi, E ne e le moahloli. Lemohang, moprista, moholo, enereha a kena serapelang kapa a kena ho sebeletsa, bosebeletsing, o ne a itlama lethekeng. Ho itlama letheka ka senyepa, ho bolela hobane o a sebeletsa; a sa se tlame lehetleng la hae le ka mohla. Empa mona O a hlaha, o tsoa senyepa se tlamiloe kaholimo, leqhaama holima lehetla la Hae; le tlamiloe sefubeng, letsoele, ka senyepa sa gauta, se

tlamiloe holimo koana. Ke eng? Leqoetha, moahloli. Moahloli ea khoesitseng leqhaama lehetleng la hae, le qhoaetsoe holimo mona, e seng tlase joaloka moprista. Le a bona, hoo ho Mo supa A ne a se tšebetsong ea boprista ba Hae joale, Johanne o ile a hapeloa hole koana letsatsing la Morena 'me o Mo bone a tla e le moahloli.

<sup>157</sup> Na le a lumela Ke moahloli? Ha re baleng Santa Johanne 5:22, ka potlako ruri, re tla bona haeba E le moahloli kapa che. Santa Johanne 5:22:

*Hobane Ntate ha a ahlole motho le a mong, empa o neile Mora khahlolo eohle:*

<sup>158</sup> Na hoo ho lokile? Ke moahloli, Moahloli ea Phahameng. 'Me Johanne o bontša A ne a se letsatsing la boporfeta ba Hae, joaloka moporfeta, hape O ne a se matsatsing a bokhosí ba Hae, empa O ne a letsatsing la Morena e le Moahloli. Joale, ba ba kae ba tsebang hobane ha moprista a itlamile ka senyepa sa hae, lerapo la hae le mo tlamile letheka ke ho lekanya bosebeletsi ba hae? Motho mang ea balang Litestamente, ea tsebang Testamente ea Khale, o tseba taba eo. Enereha senyepa se tlamile moprista mona, o bosebeletsing, ke mosebeletsi. Empa senyepa se ne se Mo tlamile holimo mona, moahloli.

<sup>159</sup> Ha re tsoeng tema re bale:

... *sefubeng* ... se le ... *ka senyepa sa gauta* ...

<sup>160</sup> Ke hantle, holimo mona, E ne e le Moahloli.

Joale re tlil'o bala khanya ea Boperesone ba Hae e mekhahlelo e supileng. Oh, banna! E ntlhabisa litlatse le pele ke fihla ho eona. [Sekheo lebanteng—Mohl.] Lemohang! Oh, ena ke ntho e babatsehang haholo. Mamelang feela:

'Me *hlooho ea hae* ...

<sup>161</sup> Joale shebang, Ke lintho tse supileng, mona o bua ka: *hlooho ea Hae*, moriri oa Hae, mahlo a Hae, maoto a Hae, lentsoe la Hae, ... Mona O bua ka lintho tse supileng, khanya ea Jesu Kreste e mekhahlelo e supileng. E reng ke Le bale:

*Hlooho ea hae le moriri oa hae li ne li le tšoeu joaloka boea ba nku, le joaloka lehloa; ... mahlo a hae a le ... khabo ea mollo;*

... *maoto a hae a ne a tšoana* ... *borase e benyang*, a le joaloka *hoja a hlenne ka seboping*; *lentsoe la hae le le* ... *molumo oa metsi a mangata*.

'Me ka ... O ne a tšoere linaleli tse supileng letsohong la hae le letona: 'me sabole e nchocho e leolitsoeng ka nqa tse peli e tsoa molomong oa hae: *sefahleho sa hae se ne se tšoana le letsatsi ha le khanya ka matla a lona*.

<sup>162</sup> Pono e kakang! Mona o boneng? Mora Molimo ea tlotlisitsoeng, le papiso. Joale, ha re—ha re itokiseng joale.

<sup>163</sup> Oh, banna, ke itse e ne e le robong, empa e le robeli. Le joale ha ke eso qale. Ho lokile. Ke botle. Joale, ke masoabi ka baena bana ba emeng, ha ke ba bona ba eme ke tšoaroa ke linerefe, le a bona, hoba ke tseba meomo ea bona e opa. Holane ka fumana mokhoa baena, ho etsa ntho efe eo ke e khonang, nka e etsa ruri. Joale, ke batla le fumane taba ena habohloko. Le ho ema nakoana 'me Molimo o le putse ka moeno, ke thapelo ea ka.

<sup>164</sup> Joale—joale lemohang, ntho ea pele, joale lemohang, hlooho ea Hae le moriri oa Hae o mosoeu joaloka boea. Hlooho ea Hae le moriri oa Hae o ne o le mosoeu joaloka boea. Joale, ha e bolele botsofali ba Hae, bo entseng sena. E ne e se lebaka la eona. Botsofali hase bona bo bakileng sena. O ne a...E ne e le ka lebaka la boiphihlelo ba Hae le litšoanelo le bohlale ba Hae. Hobane Ke Mohlollehi, 'me Mohlollehi a ke ke a tsofala. Na le a utloisia?

<sup>165</sup> Ha re phetleng pele, 'me re tla—re tla Mo hakanya kantle mona e le sena, 'me re tla fumana seo A leng sona. Joale, ha re phetleng ho Daniele 7:9, motsotsotso feela, le bona setšoantšo sona seo ho Daniele moo A fihang e le...ka mona ho Moholo oa matsatsi. 'Me motho e mong le e mong, mothuti oa Bibele, o tseba hantle moo re habileng teng hona joale. Daniele 7, le temana ea 9; ke tla qala ho ea 8:

Mme Ha ke bona lenaka ao, 'me, bonang, lenakana...  
la hlaho pakeng tsa a mang, 'me manaka a pele—a pele  
a mararo a khoroloa ke lona: 'me, bonang, lenakana lena  
ho na le mahlo a kang...e leng motho, le molomo o  
buang ka boikakaso.

Mme ka talima hofihlela literone li ba li lihoa,...

<sup>166</sup> Joale mamelang. Mamelang ka hloko, joale. Le nkutloa hantle ka morao? E reng "Amen," ha le khona. Ke botsitse mohatsa ka morao mane. Ha ke nahana maekrofono ona mona o...o batla o hlahafetse mona, ha o joalo na? Joale, ke hloliea haholo, ke a kholoa, kahara ona.

<sup>167</sup> Ho lokile, joale Daniele 7:9:

Mme ka talima hofihlela literone li ba li beoa, 'me  
Moholo oa matsatsi a lula, liaparo sa hae se ne se le  
sesoeu joaloka lehloa, moriri oa hlooho ea hae o le  
mosoeu joaloka boea...bo hlatsoehileng: (Moholo oa  
matsatsi.) ...terone ea hae e ne e tsoa malakabe a kang  
mollo, le mabili a eona a le joaloka mollo o tukang.

Mme linoka ea mollo—mollo e ne e tsoa ho eena e  
matha pela hae: mme likete o ne a sebeletsoa ke likete,  
le les home...tsa limilione li ne li eme pela hae: mme  
baahloli ba lula, 'me libuka tsa phetloa.

<sup>168</sup> "Moriri o mosoeu!" Bohle...mang le mang o tseba bao e le baahloli ba khaleng matsatsing a boholo. Joaloka baahloli ba

Manyesemane ba ne ba tloaetse ho roalo wiki e bosoeu ba lehloa. Ba e hopolang ba ba kae? Baahloli ba mehleng ba ne ba roala wiki hobane ba ne ba . . . 'Me Ke enoa, ho bontša hape hoobane Johanne o ka koana letsatsing la Morena, o Mo bone joaloka moahloli. Amen! E seng moprista, e seng joaloka khosi, e seng joaloka moporofeta, empa joaloka moahloli. Ntate (Ke Santa Johanne 5:22) o Mo neile kahlolo eohle. 'Me Ke moahloli joale, o tlela ho ahlola lichaba. Oh e tla ba letsatsi le le kakang mohla le 'Monang joalo! Moriri oa Hae o ne o le mosoeu joaloka lehloa, Daniele o Mo bone a tla e le Moholo oa matsatsi. Le Mo shebe ha a lohanya tse peli tsena 'moho. Ho lokile:

...baahloli ba lula, 'me libuka tsa phetloa.

Mme ke ne ke ntse ke talimile . . . Mme ke ne ke ntse ke talimile 'me ka baka la lipolelo tsa boikakaso—boikakaso tse boleloang ke lenaka . . . (Che, ke tsoere tulo e phoso, na ha kea etsa?)

<sup>169</sup> Daniele 7:9, yaa, ke rona bana:

...le mibili a eona . . .

Mme noka ea mollo e ne e tsoa teng ho eena . . . ho . . . eena: o ne a sebeletsoa ke leshome la likete, . . .

Mme ke ne ke talimile 'me ka baka la lipolelo tsa boikakaso tse boleloang ke lenaka: mme ka bona sebata hofihlela se bolaoa, 'mele oa sona oa ba oa felisoa, oa akheloa ho—ho mellong hore o chesoe. (Uhm!)

Haele ka libata tse ling, tsa amohuoa borena bohle: (ke hore matla ohle a Balichaba le mebuso li tla oa) empa tsa ekeletsoa bophelo ho isa mohla nako le motsotso o itseng.

Mme ka ba ka talima ka pono tsa bosiu, 'me, bonang, e mong ea kang Mora motho a hlaha ka . . . maru a leholimo, . . . (Hoseng hona re Mo bone a tla joang, temaneng ea 3? Ho tla ka maru a leholimo, Mora motho.) . . . e mong ea joaloka Mora motho a lhahisoa ka maru a leholimo, 'me o fihla ho Moholo oa matsatsi, a atametsoa haufi ho eena.

A neoa le 'muso, le hlompho, le borena, hore ba mefuta eohle, mme ba lichaba tsohle, . . . lipuo, ba tle ba mo sebeletse: ona 'muso oa hae ke 'muso o sa feleng, o ke keng oa feta, borena ba hae bo tla . . . borena ba hae bo ke ke felisoa.

<sup>170</sup> Ho tla ho Moholo oa matsatsi eo moriri oa hae o neng o le mosoeu joaloka boea. 'Me Johanne a reteleha a bona e mong ea kang Mora motho a eme hara likandelare tsa gauta tse supileng, a le moriri o bosoeu ba lehloa, Moahloli! Senyepa hase a tlangoa lethekeng, empa se tlanngoe lifubeng, holimo mona, moahloli! Ka leqhaama la moahloli lehetleng la Hae, O ne a eme ka senyepa

sa gauta, se hloekileng, se halalelang, se hlatoehileng, senyepa se ts'oere ho loka ha Hae. Sekhurumetso sa Hae! O ne a koahetsoe ho fihla maotong. Shebang ponahatso e mekhahlelo e supileng ea boperesone ba Hae le hlompho.

<sup>171</sup> Joale, ke a kholoa, ke temana ea 14:

*Moriri oa hae . . . Moriri oa hlooho ea hae o le mosoeu  
eka boea ba nku, o le mosoeu joaloka lehloa; 'me mahlo  
a hae a le joaloka . . . malakabe a mollo;*

<sup>172</sup> Hlooho, moriri; "mahlo a le joaloka malakabe a mollo." E nahane! Mahlo ao a kileng a sesefatsoa ke likeleli tsa botho, joale a tsoana le malakabe a mollo. Ka khalefo O eme mono joaloka moahloli ea halefileng. Hobaneng u ile oa Mo hana? Oh, uena moetsalibe, nahana sena! E nahane, uena setho se fofo sa kereke! E nahane, Katolike, Baptise, Presbeteriene, Pentekosta! E nahane, Katolike! Maria movirigo o ne a tlamehe ho nyolohela pentekosta le ho amohela Moea o Halalelang, a thekesela joaloka mosali ea tahiloeng. Eena 'mè oa Kreste a tlameha ho fumana seo pele a ka lumelloa ho fetela Leholidong. Ebe lona basali le tla fihla joang mono ka lethoana le ka tlasa leo? E nahane, banna, e mong le e mong oa lona!

<sup>173</sup> Moriri oa Hae, le mahlo a hae a kileng a sesefatsoa ke likeleli tsa botho, feela ke batla le lemohe taba ka mahlo ao. Mehleng ea Hae lefatšeng, a ne a sesefatsoe ke likeleli joaloka motho, hobane O llile lebitleng la Lazaro. Hantle! Ka kutloelobohloko; botho ba Hae. O ne a apere, E ne e le Molimo o apereng botho, ho tlosa sebe. Empa feela ka mora botho boo, O ne a le bokhoni A ka sheba tlase pelong ea motho a tseba sohle ka eena. Hobaneng? Ntho e ne e le teng ka mora Hae, athe O ne a apere nama e busoang ke lefu.

<sup>174</sup> Empa ha ba mo tseba hoba e ne e le mang. "Ekare ha e sa lumele," O boletse, "hoba Ke Eena, le tla shoa libeng tsa lona." Ke hantle. "Ekareha Ke sa etse mesebetsi ea Ntate oa Ka, le se ke la lumela ho 'Na; empa ekareha Ke etsa mesebetsi ea Ntate oa Ka, le mpe le lumele mesebetsi ha le sa lumele ho 'Na." Oh, kamoo A lekileng ho ba tlisetsa Molaetsa, tšenolo. O khonne ho sheba botebong ba pelo ea motho, ho tseba sohle ka eena. Ha ke nahana seo: Mahlo ao a kileng a haola holima lithaba, ho talima kahara sefahleho se hlorehileng, o khonne ho lla joaloka motho, ho qositse Moea oa Molimo ka mora pono eo ea botho mono ho bona lintho tsohle; lintho tse neng li le teng, lintho tseo tse neng li le teng—teng, le lintho tse tlang ho tla. Ho lepa qetello esale qalong, kehobane Molimo o ne o ahile ka morao ho mahlo ao a motho. Lumella Molimo ho kena bophelong ba hau le ho nka taolo holima hau, 'me O tla u bontša lintho tse tlang. Hobane ha e sa hlole e le uena, ke Moea o Halalelang bophelong ba hau morao mono o shebileng ka mahlo ao a busoang ke lefu ho qoholla lintho.

<sup>175</sup> Oh, khanya ho Molimo! “Ke tla tšela nama eohle ka Moea oa Ka, ho be ho porofete bara le barali ba lona, bahlankana ba lona ba bone lipono, maqheku a lona a lore litoro.” Alleluia! Ka linako tse ling O tlameha ho u robatsa A tla a khone ho sheba ka uena, empa ruri O tla u bontša khafetsa. “Bahlanka ba lona ba tla bona lipono, maqheku a lona a lore litoro; Ke tla tšela Moea oa Ka holima bahlanka ba Ka le makhabunyane.” E seng, “Holima batikone ba Ka le balisa, le holima ba Ka . . .” “Holima ea batlang, holima nama eohle, Ke tla tšela Moea oa Ka.” Le ipotsa hobaneng ke e hooeletsa joalo, empa e kena mengoaheng ena ea kereke.

<sup>176</sup> Oh, e ne e le Eo, mahlo ao. ‘Me, le hopole, ka letsatsi le leng, mahlo ao a kileng a sesefatsoa ke likeleli, mahlo ao a tla ema kahlolong. Joale a tšoana le malakabe a mollo a eang a bile a boea lefatše ka bophara, ’me ha ho letho le etsahalang A sa le tsebe. Oh, banna, e rekotiloe. A mathang ho ea le ho boea bophareng ba lefatše a shebile khato ka ’ngoe, a phunyeletsa mohopolo o mong le o mong, a tseba tsohle tsee u li etsang, merero ea pelo, see u rerang ho se etsa. O tseba seo sohle. O tseba hoba u a Mo rata na. O a tseba ha merero ea hau e lokile, ho Mo sebeletsa. O tseba sohle ka eona. Ho tla ba joang mohla u emang ka letsatsi leo mohla sebe ka seng se leng lepalapaleng pela Hae, ’me A eme mono Kahlolong ea Terone e Tšoeu?

<sup>177</sup> Molimo, ntoele sebakeng seo! Ha ke batle ho bona seo. Mohla Molimo o halefileng o tsoang mahlo a Hae a lakoma malakabe a mollo, ka ho loka, a faphile wiki e tšoeu hloohong ea Hae, mahlo a Hae a tsebang morero ka mong oa pelo ea hau a lakoma mollo, le sohle seo u kileng oa rera ho se etsa. Mpate Lefikeng la Mengoaha le petsoletsoeng ’na! Mothaka oa khale o ne a bina, “Mohla lefatše lena le tukisoang ke mollo, ema pela ka. Ema pela ka, sefuba sa Hau ho ’na e be mosamo. Mpate Lefikeng la Mengoaha.” Molimo, ha ke batle kahlolo ea Hau. Ha ke batle ea Hau. . . . Ke batla mohau oa Hau, Morena. Mphe mohau oa Hau, e seng toka ea Hau e Lokileng. Mphe mohau oa Hau feela. E seng melao ea Hau, e seng letho la . . . Mphe mohau feela, Morena, ke phetho seo nka se rapelisisang. Ke tla ke le liatla feela (ha ke a loka, ha ke thuse letho), ke itšoarella feela fapanong sa Hau feela. Morena, ke phetho seo ke se tsebang: E mong o tlide a nka sebaka sa ka.

<sup>178</sup> Shebang joale boporesone ba Hae ba mekhahlelo e supileng ea botho ba Hae joale, ’me le tla bona seo A se entseng.

*Hlooho ea hae . . . e le tšoeu joaloka lehloa; joaloka boea, moriri o mosoeu; mahlo a hae a ne a le joaloka . . . (ha re boneng) . . . hlooho ea Hae . . . e le tšoeu . . . lehloa; ’me mahlo a hae a ne a le . . . malakabe a mollo;*

*’Me maoto a hae a le joaloka . . . borase e benyang, eka hojane a ne a tukile seboping;*

<sup>179</sup> Shebang joale. Re sa tsoa bona moo A khurumelitsoeng, le a tseba. Joale shebang. Hlooho ea Hae, mahlo a Hae, joale O theohela maotong a Hae a kang borase. Shebang phapang ea setšoantšo seo Johanne a se boneng sa Jesu, le seo Daniele a se boneng maloka le empaya ea lefatše, hlooho ea gauta le joalo.

<sup>180</sup> Shebang na sena e ne e le eng mona, se emeng mono, borase. Ebe borase e bua kang? Borase bo bua ka kahlolo, kahlolo e Khethehileng. E supa hobane morero oa Hae o tletseng o tla mona lefatšeng joaloka Molimo, ho etsoa nama, 'me O re shoetse a ipelesa likahlolo tsa Molimo, kahlolo e Khethehileng, 'me o amohetse 'Muso oa borase, o tiileng, o ke keng oa sisinyeha. Ha ho letho le fetang borase ka bothata, ha ho eso fumanoe letho ho e bothetsa.

<sup>181</sup> Kahlolo! Borase bu bua ka kahlolo e Khethehileng e lihiloeng. Shebang noha ea borase feelleng. Noha ea borase e ne e lekanyang? Noha e ne e lekanya sebe; empa, ka ho ba borase, kahlolo e seng e lihuoe holima sebe.

<sup>182</sup> Joale, le bele lemohe matsatsing a Elia, mohla ba hanneng Elia joaloka moporofeta, kholenyana eo, mongoaha kereke oa boholo. Le leng la matsatsi ana ke tla e nyolla 'me ke le bontše hobane Iseraele e ne e na le mengoaha e supileng ea kereke, le eona, 'me e bapisitse ena hantle. 'Me mongoaheng oa kereke ea bona, matsatsing a Elia, ba mo latotse le pula ha e a na ka lilemo tse tharo le likhoeli tse tšeletseng. 'Me moporofeta oa boholo o itse "lipakapaka e ne e ka borase," kahlolo e Khethehileng holim'a lichaba ka ho latola Molimo le ho mamela Jezebele.

<sup>183</sup> Borase bo boetse bo lekanya kahlolo e Khethehileng aletareng moo sehlabelo se hlabjoang, aletare ea borase. Ho hlabjoa... Ona motheo e ne e le borase, kahlolo, O hatisa sehatelong sa veine ea bohale le ea khalefo ea Molimo a Ipelesa kahlolo ea rona. Phetlang ho Tšenolo 19:15, motsotsotso feela, ha re boneng seo A se entseng. Tšenolo 19:15, ha re baleng nakoana feela ha nka e fumana. Yaa, ha re qaleng nka re ho...ha re boneng, nka re temana ea 12:

*Mahlo a hae e ka... khabo ea mollo, 'me hloohong ea hae o roetse e le moqhaka e mengata; o na le lebitso le ngoliloeng, le sa tsejoeng ke motho, haese...feelaa.*

*O apere seaparo tse takiloeng mali: 'me lebitso leo a bitsoang ka lona ke Lentsoe la Molimo. (Joale, hopolang, Lebitso la Hae e ne e se Lentsoe la Molimo, Lebitso la Hae le ne le bitsoa joalo. Le a bona?)... lebitso leo a bitsoang ka lona e le Lentsoe la Molimo.*

*Makhotla a leholimo...ao a leholimo...makhotla a neng a le leholimong a mo latela a kaletse lipere tse tšoeu, a apere lene e ntle e tšoeu, e hloekileng.*

*Sabole e bohale e tsoa molomong oa hae, a tle a otle sechaba ka eona: o tla li alosa ka lere la tšepe: 'me ke*

*eena ea tla hatisa . . . (Hoo keng?) . . . hatisa sehatelong sa  
veine ea bohale le ea khalefo ea Molimo o Matlaohle.*

<sup>184</sup> O entseng? Khalefo ea Molimo e ne e lihetsoe holima rona ka ho ba baetsalibe. Na ho joalo? Ho se mang ea ka ipolokang. Re ne re ka sitoa ho etsa letho, bohole re “Tsoaletsoe sebeng, re bopetsoe bokhopong, re ttile lefatšeng re bolela mashano.” ’Me O ile a etsang? O ttile lefatšeng, Alleluia, a hatisa sehatelong sa veine! Khalefo eohle ea Molimo o Matlaohle ea tšolleloha holim’ a Hae. “U na le tokelo, oho Konyana ea Molimo, hoba O ne o hlabjoe.” Ho Ipelesa libe tsa lefatše, ’me A jara sebe sa rona, Molimo oa ba oa tšela khalefo ea bohale ba Oona holima Hae. “Athe O hlabetsoe libe tsa rona, a tetekoa ka baka la bokhopo ba rona, kotlo e re tlisetsang khotsa e Mo oetse holimo, ’me re pholositsoe ke maebla a Hae.” Motha ha eso shoe joaloka Monna eo! A utloa bohloko hofihlela mali le metsi li arohane ’meleng oa Hae. ’Me likhororo tsa mali tsa rotha phatleng ea Hae pele ho lefu la Hae.

*. . . sehatelong sa veine . . . bohale . . . ba khalefo . . .  
Molimo o Matlaohle.*

<sup>185</sup> Tsatsi le leng maoto ao a borase a tok (Khanya!), mohla A tlang e le moahloli, O tla hatakela antikreste, le lira tsa Hae tsohle. Alleluia! O tla hata holima lefatše ka lere la tšepe letsohong la Hae. Amen! Oh, ak’o bake, uena motsoalle oa moetsalibe, nako ea hau ea ho baka e sa ttile. Ho leka, ho e lebalisa le ho e hopola e le palenyana e sa tlo etsahala. E tla etsahala! “Na e ke ke ea ntlhahela.” E tla u hlahela!

<sup>186</sup> Maoto a borase, ho hatakela lira tsa Hae. Hobane O utloile bohloko a ba a hatisa sehatelong sa veine ea khalefo ea Molimo ho lefela libe tsa rona. ’Me rona, ba molato, bafumanehi, liboko tse kang rona, re suma linkoana tsa rona re bala buka ea mofuta ea bohetene re leka ho nahana “ha ho Molimo,” le ho re “ha ho ntho e kang *ena*, ’me kahlolo e ke ke ea fihla.” Ka maoto ao a borase O tla hatakela sera sa Hae. O tla phetšela antikreste. O tla tšoara likereke tseo tsa bokoenehi a li tsokoletse hole koana Bosafeleng, koana mollong o timeletsang moo li tla jeoa li felisoe. ’Me O tla busa holim’ a lefatše, Eena le Kereke ea Hae kamehla. Khanya!

<sup>187</sup> “Hlooho, e tšoeu joaloka boea,” ho loka, boiphihlelo, boqaqisi, bokhoni, bohlale. Botsofali, bosoeu, bo lekanya bohlale, ho hola. Ho tseba seo A se etsang. Ke e—Ke Seliba sa bohlale. Ke Seliba sa boitsebelo. Ke Seliba sa tsohle tse molemo, ka baka leo O tšoantsisoa ho enoa ea kang Mora motho, a roets moriri ona o mosoeu o lepellang. Daniele o ’Mone makholo a lilemo, lilemo tse makholo a supileng, a re, “E ne e le Moholo oa matsatsi. ’Me e mong ea kang Mora motho o ttile ka matla a iteanya le Moholo enoa oa matsatsi, eaba kahlolo e a lula.”

<sup>188</sup> Joale ke batla ho le botsa taba. Ke bua le uena kereke e fofo. Ho tsoile baroetsana ba leshome ho khahlanyetsa Morena, ba

bahlano ba le bohlale, ba bahlano e le maoatla; re e nkile joalo hoseng hona, sefate seo se entiloeng. Joale, hopolang, ba tsoile ho khahlanyetsa Molimo... Joale shebang, Bibele e itse, "Ha phetloa libuka." Daniele 7:9, "Ha phetloa libuka." Eo ke buka ea moetsalibe. "Ha phetloa le buka e 'ngoe." Ho tlide mang 'moho le Eena? Kereke e tsoang Hloibilong. Oh! "Likete tse mashome a atisoang ka likete tsa likete atisa ka likete tsa likete li tlide le Eena ho Mo sebeletsa," Mosali oa Hae, Monyaluo. Oh, khanya! Mosali oa Hae o tlide le Eena, Kereke.

<sup>189</sup> Kahlolo ea lula, ha ba ha phetloa libuka. Ha phetloa le buka e 'ngoe, eona e le moroetsana ea robetseng, e mong le e mong a ahloloa ka buka. U tla koptjoa ho arabela hobarang u sa ka oa khona, ho tla thoeng? U tseba hantle joale, u tseba hantle. Ekaba pele u ne u sa E tsebe, empa u a khona joale. Le a bona? Ekareha ea lokileng a bolokeha ka thata, eo e leng moetsalibe le motho eo ea khopo ba tla hlaha kae? Eo ea hanrelang, a tseba hantle a ntoo E hanrela. Ba tla ema kae? Maoto a Hae a joaloka borase, kahlolo e Khetheleng.

<sup>190</sup> Joale, ha re boneng, kapele re se re... ho theohela maotong a leqephe joale:

... moriri joaloka boea, ... mahlo a hae a le... khabo  
tsa mollo;

Maoto a hae a ne a tšoana le—maoto a tšoana le...  
koporo, ... a hlenne seboping; lentsoe la hae le ne le...  
molumo oa metsi a mangata.

<sup>191</sup> "Molumo oa metsi a mangata." Metsi a emetseng? Ha le batla ho e tšoaea, phetlang Tšenolo 17:15, 'me le fumana Bibele e boletse, "Metsi ao u a boneng ke matšoelle, le matšoelle, le batho, le ipuo." Ho lokile, "Molumo." Ho tšabeha hakakang ho moea o phallang leoatleng la bophelo! A se na mokhanni ho mo laola, o lokotseha, o fefoha le leqhubu, ho utloa molumo oa likhohlo tse kholo tse rorang, liphororo. Ho tšabeha hakakang ho moea o phallang. "Molumo oa metsi a mangata." Molumo oa Hae keng? Ke kahlolo; lentsoe la bareri, ka Moea o Halalelang, le kileng la hlabela batho mokhosi mongoaheng o mong le o mong, le eme mono. Molumo oa metsi a mangata a ile a hlabu mokhosi, matšoelle le bongata. Lentsoe la linaleli tse supileng tseo letsohong la Hae, ho mongoaheng o mong le o mong oa kereke, le rerang kolobetso ea Moea o Halalelang, kolobetso ka Lebitso la Jesu, ho bua lipuo, matla a Molimo, tsoho ea Kreste, ho Khutla Labobeli, Kahlolo e khetheleng. Molumo oa metsi a mangata o tsoile ho enoa ea kang Mora motho, metsi a mangata.

<sup>192</sup> Ho tla ba joang ho tseba u kile oa lula likopanong oa utloa ho thoe u tlameha ho lokisa litaba le Molimo le ho amohela Moea o Halalelang, le ho moea o fefohang o utloang lentsoe leo le bua kopanong eo u kileng oa lula ho eona, oa utloa ho boleloa likahlolo tsa Molimo, oa E hanrela. Phororo e kholo e tlasana feela

ho uena, likhohlo tse kholo tse tlang ho fallisetsa moea oa hau tšenyehong ea Bosafeleng.

<sup>193</sup> Molumo oa metsi a mangata, boperesone ba Hae ba bone. Molumo oa metsi a mangata. U tla etsang athe e ngotsoe Khanyeng, athe lentsoe la bosiu bona le rekotuo? Lentsoe la hau le rekotiloe. Mehopolu ea hau e rekotiloe. "Kamoo le nahanang pelong tsa lona kateng, u joalo." Lemohang, lentsoe la hau le molumo ho feta Leholimong ho feta... Ke re, mehopolo ea hau e molumo Leholimong ho feta lentsoe la hau lefatšeng. Ruri, le joalo. Molimo o tseba mehopolo le merero ea pelo, O e tseba eohle.

<sup>194</sup> O itse ho Mofarisi, "Lona baikaketsi, le ka bolela molemo, athe molomo o bolela seo pelo e leng sona? Le Mpitsa, 'Monghali, ea molemo,' athe Ke a tseba, ha Ke u talima ke u bona hoba u moikaketsi. Le hlile ha le tiea."

<sup>195</sup> Oh, ho tla ba joang ka letsatsi lela ha lentsoe leo la metsi a mangata le luma, mengoaha e mengata ea kereke e hlaha?

<sup>196</sup> Joale ke batla ho le botsa taba. Ke batla ho bolella lona batho ba pholositsoeng, ke le bolelle taba ena.

<sup>197</sup> Joale, moea oa hau o fefohang, mokoro oa hau o fefoha holima khohlo eo e kholo koana, ela hloko. Ho tla nyarosa ho itseba hoba u ke ke oa pholosoa mohlang oo. U ke ke oa pholosoa mohlang oo, u tseba tšenyeho ea hau e u laletse. Athe u tseba metsotsong e mmaloa feela u tla utloa Puo e reng, "Tlohang ho Nna, lona ba sebetsang bokhopo, le kene mollo oa kamehla o lokiselitsoeng diabolosi le mangeloi a hae." U tla tseba mohla u utloang ho rora hoo ha mantsoe a likopano tseo, ha u falla u tsoa mona. Oh, e harola letsoalo hakakang, e nyarosa hakakang! Le se e lumelle ho le hlahela, lona batho. Bakang, lokisang litaba le Molimo joale, nako ea ho lokisa litaba e sa le teng.

<sup>198</sup> Joale ke batla ho le botsa taba hape. Ho fetisang ka monate ke hofe ho monna ea ankoriloeng, ea robetseng tlasa sefate sa moremotala, ho utloa molapo o tsapolang? Oh! Eo ke Kereke e lutseng libakeng tsa maholimo ka Lentsoe la Molimo le bilohang ka mosa le bua le bona nakong eo. Le bona seo e leng sona? Ke tsuo ho moetsalibe, le leseho ho ea bolokehileng. Motho ea ankorileng sekepe sa hae ka polokeho Lefikeng la Kreste Jesu, a robetse feela a mametse, a ka iphomolela feela! Ho kena phomolong eo.

<sup>199</sup> Ke hlile ke rata moo metsi a phallang. Ha re ea tšoasa lihlapi kapa eng, ka tloaelo ke leka ho itholla moo metsi a tsapolang, hoba a u phomotsa feela. U a utloa a bua bosiu bohole. Oh, banna!

<sup>200</sup> Na ha ho hotle ha u khona ruri ho ankora moea oa hau ho Kreste, ua ba ua ikhutsetsa ka pela Hae? Ho utloa Lentsoe la Hae le bua le uena, "Ke 'na Morena ea u folisang. Ke 'na Morena ea u fang Bophelo Bosafeleng. Ke a u rata. Ke u tsebile le pele

ho theoa lefatše. Ke ngotse lebitso la hau Bukeng, u oa Ka. Beta pelo, ke 'Na. Se tšabe, Ke na le uena." Ke ntano bina:

Ke ankorile moea me koung ea phomolo,  
Ho se hhole ke sessisa maoatle a befileng;  
Lifefo li ka feta malibeng a hlaha, a tebileng;  
Empa ho Jesu ke bolokiloe kamehla.

<sup>201</sup> Hopola, lona Lentsoe le buang le uena ka mosa, le tla ahlola moetsalibe. Ona moroallo o pholositseng Nohe, o timelitse moetsalibe. Le bona seo ke se bolelang? Molumo oa metsi a mangata.

<sup>202</sup> Joale shebang, "Moriri o kang boea, le mahlo a kang likhabo tsa mollo, maoto a kang borase, le molumo oa metsi a mangata."

*O ne a tšoere linaleli tse supileng letsohong le letona  
la hae:...*

<sup>203</sup> "Linaleli tse supileng." Joale ha re nkeng temana ea 20 hantle mona:

Mme *Sephiri sa linaleli tse supileng tseo u li boneng letsohong la ka le letona, le likandelare tse supileng tsa gauta. Linaleli tse supileng ke mangeloi a supileng likereke tse supileng* (kapa baromuo ba supileng, bareri ba supileng) *a likereke tse supileng: 'me likandelare tse supileng tseo u li boneng ke likereke tse supileng.*

<sup>204</sup> O mo koahollela eona ho tle ho se hlahe phoso ea letho ruri. Lengeloi la mongoaha o mong le o mong oa kereke. Oh, e tla babatseha, vekeng ena, ha re khutlela motšeо koana nalaneng re thonaka mangeloi ao re bona tsona litšebeletso tsa ona. Tšeletso ea ona e ne e tšoana. Hantle ka ho tšoana ho theoha le mongoaha kahara Kereke e nyenyane eo.

<sup>205</sup> Nakoana e fetileng, motho o itse, "Le a tseba, kereke ea Katolike, polelo e monate e re, ho thoe, 'Ke kereke ea makhonthe kaha esale e eme ho theoha le mengoaha eohle.'"

<sup>206</sup> Ka re, "Seo hase sephiri, kaha ekile ea tšehetsoa ke goromente le ntho eohle, le kamoo e kileng ea ema ea phutla lifefo. Empa ho 'na sephiri ke paloana eo, e nyenyane e phutlileng sefefo, ba ile ba sehloa ka lisaga, ba feptjoa litau, ba harolakoa, le ho jeoa, ho chesoa, le ke tau... le ho bolaoa le ntho eohle, ebe e phonyohile joang." E supile letsoho la Molimo le hlotse le bona. Ke phetho. 'Me kajeno Leseli la eona le sa khantšitse le a tuka. Amen! E, mongali!

<sup>207</sup> Joale, "Linaleli tse supileng li ne li le letsohong le letona la Ka." Linaleli tse supileng li ne li le letsohong le letona la Hae, li bolela baboleli ba supileng ba mengoaha e supileng. Oh, e a—e a babatseha. Re ka khutla ra fumana e—e 'moleli ea tliselitseng kereke ea Efese Molaetsa. Le 'moleli ea tlisitseng Molaetsa a O tiisetsa ho isa lefung, hantle ho theohela kerekeng ea Smirna,

le ho kereke ea Pergame, ea Thiatire, le ho theoha ho haola le mongoaha, esita le ho kena mongoaheng ona joale. Baboleli ba kileng ba boloka ba tlisa Leseli, ba Le tšoara joaloka ea mantlha qalong, 'me Leseli la tlisoa ke eena.

<sup>208</sup> "O ne a li tšoere letsohong le letona la Hae." Nahanang! Letsoho le letona hantle ha le bolele hore Kreste o lutse letsohong le letona la Molimo. Ha e bolele Molimo a na le letsoho le letona, hobane Molimo ke Moea. Empa Kreste e ne e le letsoho le letona la borena. Monna letsoho la hau le letona, ke mothaka—mothaka ea emang le uena, ea haufi le uena haholo.

<sup>209</sup> 'Me, le hopole, linaleli tse supileng li ne le letsohong le letona la Hae. Nahanang feela, ba ne ba monya mohloli oa bona, Leseli la bona ho Eena. Ba ne ba le tlasa bolaoli ba Hae ka botlalo, kahara letsoho le letona la Hae. Oh! Mohlanka e mong le e mong oa sebele oa Molimo o a itšoanelia. Ho ts'oaroa kahara... Ba ka ntšoa kotsi ke mang? Ba ka lematsoa ke mang? Joalokaha le leng la mangeloj le tumisitse motšeo koana qalong. Hopolang *lengeloi* le bolela "moromuo." Re qetella lintho tse tebileng tseo tsamaong ea veke. *Lengeloi* le bolela "moromuo." 'Me o itse, "Se ka re arohanyang le lerato la Molimo le leng ho Kreste ke sefe? Ana ke maloetse? Ana ke litsietsi? Ana ke bofuma? Ana ke sabole? Ana ke lefu? 'Na ke khotsue" ho itsoalo ke Pauluse, "ha ho letho le ka re arohanyang le lerato la Molimo le leng ho Kreste," hoba re inehetse letsohong le letona la Hae ka botlalo.

<sup>210</sup> Motho o re, "Molahaleli-mothethehi! Mahalahaleli-mothethehi!" Ha e ba hlophe ka letho. "U lehlanya la morapeli!" Ebile ha ba e utloe. Ba inehetse ka botlalo 'me ba momona Bophelo ba bona sephakeng se setona sa Hae se matla, ho halimisa Leseli la Hae ka bonolo, le mosa, le molemo, mamello; lipontšo, le meeka, le mehlolo. Lefatše le ka E bitsa "boupelli," sohle seo ba se batlang, ha e etse phapang ho rona, hobane re itseba re inehetse letsohong le letona la Hae. Na ha e babatse? Khele!

<sup>211</sup> Joale ha re potlakeng, kaha re sa batle ho le khathatsa. "Letsohong le letona la Hae, linaleli tse supileng."

<sup>212</sup> Joale setšoantšo sa ho qetela le sa bosupa sa boperesone ba Hae:

...sabole e bohale e leolitsoeng ka nqa tse peli e tsoa  
molomong oa hae:...

Ke ne ke bolela, sa botšeleta.

...sabole e bohale e leolitsoeng ka nqa tse peli e tsoa  
molomong oa hae:...

<sup>213</sup> Joale, Molomo oa metsi a mangata, 'me molomong oa Hae ho tsoa... Linaleli li ne li le letsohong le letona la Hae.

...sabole e bohale e leolitsoeng ka nqa tse peli e tsoa  
molomong oa hae:...

<sup>214</sup> Joale, na le a tseba sabole e bohale e leolitsoeng ka nqa tse peli ea Bibele ke eng? Ha re phetleng feela le tle le tsebe. Nkang Baheberu 4:2, u tla e fumana ha u khutlela morao leqephe kapa a mabeli, le a bona. Baheberu e moraonyana ho Tšenolo mona feela; Juda, e ntano ba Baheberu. Joale, e tšoareng haufi joale. Kapa... Baheberu, khaolo ea 4 ea Baheberu, ke rona bana. Ho lokile, Baheberu khaolo ea 4 le temana ea 12:

*Hobane lentsoe la Molimo le a phela, le fetisa ka matla, le bohale le fetisa lisabole tsohle tse leolitsoeng ka nqa tse peli, 'me le a hlaba le ee ho kena likhaohanong tsa eona pelo le ona moea, le manonyellong le hona mokong, 'me le ahlola maikutlo le mehopolo ea pelo.*

<sup>215</sup> Ebe moo ba u bitsollang “mala kelello.” Ke Lentsoe la Molimo le bonahalitsoeng Kerekeng ea Oona! Le bohale le fetisa sabole e leolitsoeng ka nqa tse peli. Hela, ke sa tsoa hopola ntho e ’ngoe mono. Ha ke tsebe haeba ke ngotse Mong-... Phetlang Tšenolo 19, motsotsotso feela. Le eona re e phetle hape, ke kholoa e le eona. Nka tšoha ke... Tšenolo 19, nka re 11:

*Eaba ke bona maholimo le buloa, 'me ha hlaha pere e tšoeu;... (Bosoue ke bona bo hlaha hape, kahlolo.) ...'me ea e kaletseng holimo o bitsoa Motšepehi le oa Oa 'nete, o bile o ahlola... loana ka ho loka. (Le a mo tseba e ne e le mang, ha ke re? Ho lokile.)*

*Mahlo a hae e ka... likhabo ea mollo,... (E ne e le Mang?)... 'me hloohong ea hae e le... meghaka;... (Uh-oh. O se a kene 'musong joale.) ...'me o na... 'me -'me o na le lebitso le ngoliloeng, le sa tsebjoeng ke motho, haese... eena feela.*

*'Me o apere seaparo se takiloeng mali: 'me lebitso leo a bitsoang ka lona Ke Lentsoe la Molimo.*

<sup>216</sup> Ho tsoileng molomong oa Hae? Ho tsoileng? Mokalli oa pere e tšoeu. 'Me Tšenolo, hape, 7, neneng... Ke a lumela 8. Eitseha pere e tšoeu... che, ke 6. Eitseha mokalli oa pere e tšoeu a tsoa, O filoe e—e seqha, ho hlola le ho hlola.

<sup>217</sup> Molomong oa Hae ho tsoile sabole. E ne e le Mang? Mokalli oa pere e tšoeu oa Tšenolo. Lemohang sabole. “Sabole e bohale e leolitsoeng ka nqa peli e tsoile molomong oa Hae,” Lentsoe. 'Me, getellong, ka Lentsoe la Hae, ha Le bonahatsoa ho bara bohle ba Molimo, O tla hatakela sechaba ka seng ka Lentsoe la Hae, ka sabole e bohale. Shebang se etsahetseng mona, re sa le phetla:

*'Me... letsohong le letona la hae... sabole e bohale e leolitsoeng ka nqa tse peli e tsoa molomong oa hae: 'me lifahleho sa hae li tšoana le letsatsi ha le chabang ka matla a lona.*

<sup>218</sup> “Sabole e bohale e leolitsoeng ka nqa tse peli.” Ho tsoile eng molomong oa motho enoa? Lentsoe la Molimo. Ke sabole e

bohale e leolitsoeng ka nqa tse peli. E ne e etsang? Ho senola mehopolo ea pelo, merero; e teba ho feta nama, letlalo, lisele tsa mali, ho kena lesapong, tlase mokong oa lesapo, ka nqane, le senola le mehopolo le merero ea pelo. Ke seo Lentsoe la Molimo le se etsang.

<sup>219</sup> “’Me Lentsoe le ne le etsoe nama la aha hara rona.” ’Me joale Lentsoe le entsoe nama kahara Kereke ea Hae, le ahile hara rona. Mangeloi a Hae a letsohong la Hae, a bosebeletsing. Molimo o itšetlehile ka Kereke ea Oona. Molimo o itšetlehile ka rona ba mongoaha ona ho tlisetsa lefatše le shoang, le habileng bohetene, le la moetlo Leseli la Evangelii. Molimo o behile moroalo holima ka le uena. Ho malimabe rona ha mohetene a eshoa a sa o tsebe. Oh, ba hlophisitse ho bala, ho ngola, le lipalo, le mahlaseli a ’maloa a borapeli, ’me ha ba finyella letho haese sehlopha sa maproselite. Ke bua ka Evangelii! Evangelii ha e tla ka Lentsoe le inotši. Pauluse o itse. Pauluse o itse, “Evangelii ha e a tla ho rona ka Lentsoe le inotši, empa Lentsoe leo le bonahalitsoeng.” Ha Lentsoe, ka Moea o Halalelang, ke . . . Lentsoe le jetsoe pelong e nang le Moea o Halalelang le hlahisa seo Lentsoe le bolelang Le tla se etsa. ’Me Lentsoe senola mehopolo le merero ea pelo! Khanya! Oh, banna! Oh! Mosenoli oa mehopolo le merero ea pelo, Lentsoe le etsa hoo.

<sup>220</sup> Le tsoa molomong oa Hae, sabole e leolitsoeng ka nqa tse peli, ho phaphamisa bahetene. Ntho e tlameha ho etsahala le leng la matsatsi ana. E! Lentsoe la Molimo, Lebitso la Hae e ne e le Lentsoe la Molimo, Lentsoe le bonahatsoang. Shebang, Jesu o itse, “E-eang ka lefatše lohle,” Mareka 16, tumeliso ea Hae ea ho qetela ho kereke pele A khutla ho Itšenola mongoaheng oa kereke. O laetse Kereke, “E-eang ka lefatše lohle le bolelle ’mopuoa e mong le e mong Evangelii.” Eng? Rera Evangelii. Mareka 16, “Bolellang ’mopuoa e mong le e mong Evangelii.” Hoo keng? Ka mantsoe a mang, “hlakisang matla a Moea o Halalelang,” e ne e tlamehile joalo.

<sup>221</sup> Joale shebang, “ho e mong le e mong . . .” Hase ho ruta Lentsoe feela; ha A re, “E-eang le rute Lentsoe.” O itse, “E-eang le rere Evangelii.” Hase ho ruta Lentsoe, le rere Evangelii. “’Me mehlolo e tla tsamaea le ba lumelang Evangelii ena; ka Lebitso la Ka ba tla leleka batemona, ba tla bua lipuo tse ncha, ha ba tšoara linoha kapa ba noa lintho tse bolaeang li ke ke ke tsa ba bolaea; ha ba beha bakuli matsoho, ba tla hlaphoheloa.”

<sup>222</sup> “’Me ba tsoile,” Lengolo le itse, “ba bolela hohle; Morena a sebetsa le bona, a tiisa Lentsoe ka mehlolo le meeka e latetseng.” Ke eona Evangelii, Evangelii ka ponahatso.

<sup>223</sup> Mehlolo ena e tla tsamaea le ba ba kae? Ho isa qetellong ea lefatše, ho mongoaha o mong le o mong. Paloana eo e tlang e theoha, e tšoere Leseli leo. Ha ho makatse Jesu a itse, “Se

tšabeng, mohlatsoana, ke thato ea Ntata lona ho le neha 'Muso.' Mohlatsoana; palo e nyenyane kamehla, hase palo e kholo.

<sup>224</sup> Ho lokile, joale qotso e le 'ngoe hape. 'Me re nkile ea 20, ka hona joale ha re boneng mona temaneng ena mona. Joale ea 16:

*Linaleli tse supileng li ne li le letsohong le letona la  
hae: . . .*

<sup>225</sup> Joale ha re nkeng e . . . 'me e . . . Lifahleho tsa Hae:

*. . . sabole e bohale e leolitsoeng ka nqa tse peli e tsoa  
molomong oa hae: 'me lifahleho sa hae se ne se le joaloka  
letsatsi ha le chabang ka matla a lona.*

<sup>226</sup> Ha le ka phetla ho . . . ha re boneng, Mattheu 17. Ha re e tšoareng re sa le ho eona mona hantle; re mpa re haola feela, 'me batho ba bangata ba le ngola, ha re . . . kapa ba le ngola fatše, re tla ba lumella ho e bala re tle re tsebe.

<sup>227</sup> Mattheu 17, ho lokile:

*. . . matsatsi a tšeletseng ha a fetile Jesu a nkela  
Petrose, Jakobo, le Johanne . . . kathoko le bona kahare  
thabeng e telelele,*

*A fetoha pontšeng ea bona: sefahleho sa hae sa khanya  
joaloka letsatsi, 'me liaparo tsa hae tsa eba tšoeu joaloka  
leseli.*

<sup>228</sup> O ile a fetoloa. O ile a etsang? A falla A kena phetohong, ho fetela koana letsatsing la ho khutla ha Hae. Joale shebang, lihora tse 'maloa pejana ho sena feela, Jesu o hlahisitse qotso tlhahiso ena motšeо mona khaolong e latelang, "Ka 'nete Ke re ho lona, ba bang ba teng ba emeng mona . . ." Ba ba kae ba tsebang seo ke tla se bua? "Ba teng ba emeng mona ba ke keng ba feta, ba ke ke ba shoa, pele ba bona Mora motho a tla ka Khanya." Na ho joalo? 'Me O nkile Petrose, Jakobo, le Johanne, lipaki tse tharo, hoba Testamenteng ea Khale ntho ka 'ngoe, lentsoenyana ka leng, le tiisitsoe ke lipaki tse tharo, a ba nyollela thabeng.

<sup>229</sup> Lemohang ho tla eng pele. Oh, nke ke ka khaotsa mona feela, ke tlameha ho nkana le sena. Shebang! Ba bone eng pele? Ba nyolletse Jesu thabeng . . . kapa O ile a ba nyolla, ponahalo ea Hae ea fetoloa pontšeng ea bona, a fetoloa. Liaparo tsa Hae tsa eba tšoeu joaloka letsatsi ha le chaba ka matla a lona, 'me Moshe le Elia ba Mo hlahela. Mora motho o tla ka sebopaho sefe joale? 'Me pele, ho tla hlaha, ho tla fihla Moshe le Elia pele.

<sup>230</sup> Joale, lemohang, pele Jesu a khutlela lefatšeng . . . Joale, mona ke pejana ho nako, empa Moea oa Elia o tla khutlela lefatšeng o busetse lipelo tsa bana ho bontate. Bibele e itsalo. Mona Jesu o 'mone, baapostola ba 'mone mona, tatelano ea ho khutla ha Mora motho ea tlotlisitsoeng. O tla tlotlisoa 'me o a khutla. Ntho ea pele, pele ba 'Mona, ha hlaha eng? Elia. E ntano ba eng? Moshe; Israele e khutlang koana, ba bolokang molao. E ntano ba Mora motho ea tlotlisitsoeng. Allelua! Na le

bona tatelano ea ho khutla ha Hae? Moea oa Elia, kapa paki ea mongoaha oa kereke ea ho qetela. Le a bona, ho tla ka matla ho bonahatsa Eena.

<sup>231</sup> 'Me Bajuda ba likete tse lekholo le mashome a mane a metso e mene ba tla phuthehela Thaba Sinai, Israele e be sechaba ka ruri; sechaba sa khale ka ho fetisa lefatšeng, folaga ea khale ka ho fetisa lefatšeng; ke sechaba, ka folaga ea bona, sesole sa bona, chelete ea bona, le ntho ka 'ngoe. Ke setho sa liki ea lichaba hobane ke sechaba. Jesu o itse ba ke ke ba lahleloa kantle ho eso phethehe hohle.

<sup>232</sup> Ho a makatsa kamoo sehlopha seo sa Bajuda, se hlorisitsoeng hohle, sa lelekhoa, sa tebeloa se lahleloa kantle, joaloka tatolo ea Kereke ho theoha le mengoaha ena, 'me feela Jesu o itse, "Etlereha le bona sefate sa feiga se hlahisa menoko e sona, sechaba seo e boetse ke sechaba, nako e atametse, e monyako. Kannete Ke re ho lona, Moloko ona o ke ke oa feta lintho tsena li eso ho phethehe." Khatello ena . . . Batho bana ba ke ke ba feta. Hitelara o lekile ho ba bolaea, Mussolini o lekile ho ba bolaea, Stalin o lekile ho ba bolaea, mang le mang hape, empa ba ke ke ba qaphaletsoa ke letho, kapa ba lelerisoa lefatšeng, e tla boela e ba batho le sechaba se emeng koana. Amen!

<sup>233</sup> Ho tla hlahia Moshe le Elia. Oh! Ke tšepa le e tšoara.

<sup>234</sup> Ho lokile, "Letsatsi ha le chaba ka matla a lona," Lifahleho tsa Hae, ho fetoloa, fetola ponahalo. Joale ntho e 'ngoe, ho Tšenolo 21:23, ha le batla ho e ngola fatše. Kahara Jerusalema e Mocha 21:23, Ke Konyana e kahara Motse, e leng Leseli la oona, le bonesang; hoba ha ba sa hloka leseli Motseng, letsatsi le sa tla o chabela, hobane Konyana e mahareng a Motse e tla ba Leseli la oona. 'Me lichaba tse bolokehileng li tla tsamaea Leseling la Konyana! Amen! Ke Leseli la Konyana. Oh, na ha le a e thabela?

<sup>235</sup> Hase hoo feela, hape Eena, ho khutleng (Johanne o 'Mone ka letsatsi la Morena), e le Letsatsi la ho loka. Ha re phetleng ho Malakia. Malakia, moporofeta oa ho qetela oa Testamente ea Khale. Malakia, khaolo ea 4.

<sup>236</sup> Ke ts'oere pale ea mohatsa ka ea theko e thata ea lutseng morao mane. Ke mo phelisitse ka thata pele re chata, esale leka ho e buseletsa hoba re chate. Ke sa tsebe haeba ke batla ho nyala hape kapa che, eaba o ferekana ka botlalo. 'Me ka mo hopola e le ngoanana ea lokileng ho tloheloa feela, ho mo tlohellia ho nyaloa ke monna ea lokileng ea tlang ho mo hlokomela. 'Me ka ikhopola ke se na le tokelo; le joale ha ke na eona, ke baka la mosa oa hae, le hona. O ne a katlehile ka botlalo a sa tsebe seo a ka se etsang. Mona e se e le lilemo tse ngata tse fetileng, lilemo tse ka bang mashome a mabeli tse fetileng. A ferekana ka botlalo, a qala a lla motšehare le bosiu. 'Me ke ntse ke leka ho ikarohanya le eena, e se hoba ke sa mo rate, kaha ke sa batle ho mo senyetsa nako; hoba, ho mo tloheloa ho iphumanela motho e

mong, motho ea molemo, hoba ke ngoanana ea lokileng haholo ho tloheloa joalo, athe 'na ke senya . . . ho tsamaisana le eena ka tsela eo feela le lintho tseo. 'Me ka—ka hopola hoba o a nthata, ke tsebile hoba ke a mo rata. Ka ntano nahana, "Be, ke tla leka feela ho . . . Ke tla intša le ngoanana e mong, ho mo hlabe hisa." Ka batla ke 'molaea, hamorao ka itšolla eona habohloko; a hla a ferekana. Ka 'molella, ka re, "U ngoanana ea lokileng haholo, ha ke—ke batle ho u senyetsa nako joalo."

<sup>237</sup> 'Me a re, "Empa ke—ke rata *uen*a feela, Bill, 'me ke uena feela eo nka mo ratang." Ho re, "Esale ke—ke ratile uena."

Ka re, "Ke—ke ananelo seo. Empa," ka re, "u a tseba," ka re, "Ke moleleri." Ka re, "Ke a—ke tlil'o phela joaloka moleleri. U a bona, nke—nke ka nyala ho hang."

<sup>238</sup> 'Me ea mo ama hakaale, le a tseba, mothoana oa batho. Eaba o tsoela kantle e—e mokhoroaneng. Ha a fihla kantle mono, a khumama, a re, "Morena, ha ke tsebe seo nka se etsang. Ha ke—ke batle ho hloka kutlo ho Uena, empa koana ke rata Bill, ha ke tsebe nka etsang. Morena, na U ka nkhothatsa nakoana? Na U ka nthusa hanyenyane? Ha ke eso U kope ntho e tjena pele bophelong ba ka, Morena, 'me ke a tšepa ha ke sa tla tlameha ho U kopa hape," a re, "empa ha U ka nthusa feela, ho phetla Bibele ena, 'me U mphe Lengolo. Ke utloa batho ba re U entse joalo." Eitseha a e phetla, e ne e le Malakia 4:

*Bonang, Ke a le nea . . . kapa ho romela ho moporofeta  
Elia ho eso ho fihle letsatsi leo—leo le tšabehang la  
MORENA:*

<sup>239</sup> A re, "Ka phahama mono ke khotsoe hakaalo joaloka ntho efe hore re tla chata." Le a bona?

*Hobane, bonang, letsatsi le a tla, le tla chesa joale  
ka sebopi sa mollo; 'me baikhohomosi kaofela, yea, . . .  
le bohole bao ba etsang bokhopo, ba tla ba joaloka  
matlakala: tsatsi le le tlang le tl ba chesa, ho bolela  
MORENA oa makhotla, mme ho se hlole ho sala ho bona  
motso kapa lekala.*

*Empa haele lona ba tšabang lebitso la ka . . . le tla  
chabeloa ke Letsatsi (L-e-t-s-a-t-s-i) Letsatsi la ho loka  
le nang le poloko mahlaseleng a lona; . . .*

<sup>240</sup> "Letsatsi ha le chaba ka matla a lona." Oh! Matla a Mora Molimo a chabang hara rona bosuing bona. Ho ema mahareng a likandelare tsa gauta tse supileng ka boperesone ba Hae ba mekhahlelo e supileng mona joaloka moahloli. Joaloka Ea utloileng boholoko a re shoela, le ho Ipelesa kahlolo e Khetheleng holimo, mme a sehatelong sa veine ea bohale, le sa khalefo ea Molimo. Ho moetsalibe Ke khohlo e harolang letsoalo, ke ho lahleheloa ke moea oa hau leoat leng la bophelo. 'Me ho Kereke, ke 'Moloki ea mosa, ankora ea phomolo, le ho utloa molapo o tsapolang ha u robetse u phomotse ho Kreste ka

khotsofoalo e phethehileng. Nako e kakang! Ho re chabela ka mahlaseli a Hae a mofuthu, "Se tšabeng, Ke ea neng a le teng, ea leng teng, le ea tlang. Ke ea Matlaohle, e mong kathoko ho 'Na ha a eo. Ke Alfa le Omega 'moho, ea nyoriloeng Ke tla mo neha ho noa libiba tsa metsi a Bophelo feela." Oh, tsepiso e kakang le lerato le le kakang! 'Me ke Konyana e bohareng ba Motse o sa hlokeng leseli, 'me Ke Letsatsi la ho loka le nang le pholiso mapheong a Lona.

Ke Mohalalitoe oa Phula, Naleli e Phatsimang  
ea Meso,

Ke thatohatse hara ba likete tse leshome  
moeeng oa ka.

Ke motšelisi mahlomoleng a ka, Ke tšiea  
mathateng a ka,

O re ke behe pelaelo eohle ho Eena. Alleluia!

Ke Mohalalitoe oa Phula, Naleli e Phatsimang  
ea Meso,

Ke thatohatse ea ba likete tse leshome moeeng  
oa ka.

<sup>241</sup> E, monghali! Oh, Naleli ea Meso e kholo e hlaha e chaba, e tumisa letsatsi le tlang, ho le furuletsa, e re, "Letšehare le se le ea fihla, Mora o a atamela," 'me O Ikhula a tsoa kamorao ho linaleli tse ling tsohle (Oh, banna.) ka pholiso mapheong a Hae.

<sup>242</sup> Joale morao ho molaetsa oa rona. 'Me joale re a koala, ho itlhophisetsa bosiu ba hosane, hobane nako ke kotara pele ho robong, ha re batle ho tšoarella motho mang halelele, re tle re khone ho fihla mona.

<sup>243</sup> Ho lokile, Letsatsi la ho loka mapheong a Hae. Joale lifahleho tsa Hae. E ne e le moahloli, kapa ntho e 'ngoe ho supa a ne a le koana letsatsing la Morena. Na le lumela seo? O ile letsatsing la Morena a bona Morena e le moahloli; hase moprista, hase khosi, empa joaloka moahloli. Ke Moahloli. Na ha le lumele seo? Bibele e re Ke Moahloli. 'Me ke enoa mona O ne a apere hohle joaloka Molahloli, ho supa seo A se entseng; seo A neng a le sona: seo A neng a le sona ho moetsalibe, seo A neng a le sona ho Mokreste. 'Me ke enoa O eme joale ka molumo oa metsi a mangata, 'me sefahleho sa Hae se joaloka letsatsi ha le chaba ka matla a lona.

<sup>244</sup> Joale liphetho, temana ea 16. "'Me . . ." Che, ke kopa tšoarello, ke temana ea 17:

*Eitseha ke 'mona, ka oela maotong a hae eaka ke  
shoele . . .*

<sup>245</sup> Khele! Moporofeta ha a khona ho e mamella, ho bona pono e joalo. O mpile feela—O mpile feela a mo monya matla, 'me a oela hantle maotong a Hae ea ka o shoele. Joale shebang:

*. . . A beha letsoho la hae le letona holim'a ka, a re ho  
na, Se tšabe; ke Na oa pele le oa morao:*

<sup>246</sup> Oh, banna! Hase moporofeta, Molimo! “Ke ’na oa pele le oa morao. Ke ’na qalo ea Tšenolo, qetello ea Tšenolo. Ke ’na ea neng a le teng, Ke ea leng teng, Ke ’na ea tlang ho tla.” Ha re boneng:

*Ke ’na . . . Ke . . .*

*. . . A beha letsoho la hae le letona holim’ a ka, a re ho na, Se tšabe; ke Nna oa pele le oa morao:*

*’me Ke a phela, ke na be ke shoele; ’me, bona, Ke phela kamehla le mehla, (Hantle hona joale. Eaba o a meketsa:) Amen; ’me ke na le linotlolo tsa lihele le . . . lefu.*

<sup>247</sup> Joale, se tšabe. U ka tšohang? Hobaneng Kereke e ka sitoa ho boloka la Hae . . . ho nahana ka Lentsoe la Hae? Ha re emiseng mona motsotsa, hoba re a koala. Hobaneng Kereke ena e ka tšaba le ka mohla? O kile a tšepisang seo A sa se bonahatsang ka pel’ a rona? Hobaneng le ka tšaba kahlolo kapa kamorao ho mona? “Se tšabe! Ke ’na Ea neng a le teng, Ea leng teng, le ea tlang. Ke ’na oa pele le oa morao. Ke tšoere linotlo tsa lihele le lefu hantle mona.” Hobaneng? “Ke hlotse ’me ke hapile lihele le lefu (Mono ke lebitla le hadese; lefu bolona, hadese ka seqo.) bakeng sa hau. Ke e hlotse eohle. Ke hlotse lihele, lefu, lebitla.” Mehleng ea Hae mona lefatšeng, E ne e le eena feela ea feti- . . .

<sup>248</sup> Banna ba bangta ba tsoile ho ea hapa. Na le tsebile? Napoleone o tsoile ho hapa lefatše, o e phethile lilemong tse mashome a mararo le metso e meraro. Ha a le lilemo tse leshome le metso e supile ho isa ho mashome a mabeli le metso e mehlano, Napoleone e ne e le o ne a ila lintho, a sa lumele ho noa le eng hape. A ea Fora. E ne e se Lefora, a tsoa sehlekehlekeng, a tloha ho ea iphetetsa ho Fora a sa e rate, a sa rate Fora. Empa a hloloa. Eaba o a tsoa a hapa Fora, a nka banna bao ba Mafora a hapa lefatše. Mohla a leng lilemo tse mashome a mararo le metso e meraro a lula fatše a lla hobane ho se motho ea ka mo hapang, ’me o shoele e le lekhoba la tahi. A hlotsoe, o sitiloe ho itlhola. Le a bona? Eaba o kopana le la hae waterloo mane Waterloo, a kopana le qetello ea hae Waterloo. Nkile ka tsoela koo ka bona lipontšo tsa khale le lifika le lintho kantle mono, mohlang re etetseng naha eo. Joale, re nka mohloli eo, o qalile e le mohlankana eaba o ikhethela ho hlola lehlakoreng le phoso, a shoela, sekhabong.

<sup>249</sup> Empa eaba lefatšeng ho fihla Monna e mong e mocha khetlo le leng. O shoele a le mashome a mararo a metso e meraro ’me A hapa sohle se ka haptjoang. Mehleng ea Hae lefatšeng O hlotse maikutlo a bohale, boikhantšo, O hlotse maloetse, O hlotse matemona. Mohla A neng a shoa, O hlotse lefu. Eitseha A tsoha, A hlola lihele. O ile a kena ’me a hlola sohle se neng se eme khahlano le morabe oa motho, sa kena sehatelong sa veine ea Molimo ’me sa phetšeloa a hlola lefu, lihele, lebitla, maloetse, bofofo, ntho eohle esele, le ho e hlola eohle, a tsoha ka letsatsi laboraro a hlola lipakapaka tsohle holimo, ho phetla mouoane o

lipakeng tsa Molimo le motho, ho boelanya Leholimo le lefatše 'moho. Khanya! Oh, banna! Shuu!

<sup>250</sup> O eme mono e le Mohloli ea Matla ho tloha A hahotse lesira kalehare, Ke Eo. O tšoere linotlolo tsa lefu le lihele li leketlile lephakong la Ka, "Se tšabeng." A bea letsoho la Hae le letona (matla a Hae) holima hae, ho mo phahamisa ka matla a letsoho la Hae le letona, ho re, "Se tšabe, Ke 'na ea neng a le teng, le Ea leng teng, le ea tlang. Ke 'na oa pele le oa morao. Ke 'na Ea phelang, ea neng a shoele, 'me ke phela kamehla le mehla. Amen!" Oh!

Bonang! Suna mohloli e moholo,  
 Bonang! Suna O pepenehile,  
 Ke eo O eme, mohloli ea matla,  
 Ho tloha A hahotse lesira ka lehare.

<sup>251</sup> Amen! Ho khaola tšitiso ea ngoana motho ka 'ngoe, ho boela ba hokeloa joaloka tšimong ea Edene. Joale, motho... Ke tilo lahlela sekaqa, empa ke tla e bua. Motho o matlaohle. Ha le e lumele, empa o joalo. Motho ea ineetseng ho Molimo ka botlalo o matlaohle. Na ha A bolela, ho Mareka 11:22, "Tsohle tseo le li bolelang, le sa belaele pelong tsa lona, e tla etsahala. Le ka fuoa seo le se boletseng"?

<sup>252</sup> Ho etsahalang ha lintho tse peli tse matlaohle li kopana? Ha Molimo le motho ba kopana 'moho, lintho tse peli tse matlaohle, ntho e tlameha ho sisinyeha. Se seng-... Sohle seo le se bolelang ka matla ao a bopang a maholo a Molimo, ho tseba hobane O e tšepisitse, 'me O e boletse Lentsoeng la Oona, e bopa matla a tsoelang koo a phethisa lintho, lintho tse leng sieo, li hlaha, eka hoja li le teng, hobane ho kopane lintho tse peli tse matlaohle. Ke Eo o eme mono! Oh, na ha A babatse!

<sup>253</sup> Ha re shebeng haeba re sa tšoere lintho tse ling tse molemo. Temama ea 18, joale temana ea 19. Johanne; ho etsahetseng hoba a bone sefahleho sa Hae? Sephetho? A itihela maotong a Hae; a sa khone ho e mamella feela, bophelo ba hae ba motho ba monyela, keha a sa khone ho e etsa feela. E ne e le mohloli, A se a hlotse.

<sup>254</sup> Joale O ntša taelo, joale re a qala e le ho phethela khaolo, temana ena ea 19:

*Joale ngola litaba tseo u li boneng, le tse leng teng  
 joale, le tse tlang ho tla kamora tsena;*

<sup>255</sup> Re ne re nkile temana ea 20:

*Sephiri sa linaleli tse supileng tseo u li boneng ka  
 letsōhong le letona, ...ke likandelare tse supileng tsa  
 gauta. Linaleli tse supileng ke mangelo a supileng a  
 likereke tse supileng: 'me likandelare tse supileng tseo  
 u li boneng ke likereke tse supileng.*

<sup>256</sup> Oh! E a tsoteha, motsoalle. Ho 'Mona a eme mono ka bophahamo... bophahamo ba Bomolimo ba Hae. Ke Moahloli, Moprista, Khosi, Ntsu, Konyana, Tau, Alfa, Omega, Ntate, Mora,

Moea o Halalelang; Ea neng a le teng, ea leng teng, le ea tlang. Ea hatileng sehatelong sa veine ea bohale ba Molimo, 'me a khahlisa linthong tsohle, hofihlela Molimo o buile sefapanong . . . Mohla A tsohileng, O itse, "Ho phethehile!" Ho khahlile Molimo hakaale, hofihlela Moea o tsoileng ho Eena o khutlile ka Paseka hoseng oa Mo phahamisa oa Mo tsosetsa tokafatso ea rona hape.

<sup>257</sup> Mono Johanne a lelala a 'Mona a eme ka maoto a borase, mahlo a le joaloka malakabe a mollo a matha a bile a boea holima lefatše lohle. Daniele o 'Mone lilemo tse makholo a supileng pele ho moo, maemong ona ao, a tšoanang, ho ntse ho eme monna eo, Moholo oa matsatsi, le ea joaloka Mora motho a iteanya le Eena, 'me kahlolo eohle e neiloe Eena, a eme Kahlolong ea Terone e Tšoeu.

<sup>258</sup> Ho bona lintho tsena, re loketse re be re le batho ba mofuta mong, metsoalle? Thapelo ea ka ke hore Molimo a le hlohonolofatse. Le a bona? Le a Mo rata na? Le a Mo lumela na? Na u ankorile moea oa hau ho Eena?

<sup>259</sup> Ha re inamiseng lihloho tsa rona motsotso feela.

<sup>260</sup> Ka boimamelo le hasesane, re tla binela tlase, *Ke Ankorile Moea Oa Me Koung Ea Phomolo*, "Ha ke sa tla utloa likhohlo tseo tse khorohang tse hoholang moea oa ka, empa A tla bolela khotso e monate moeeng oa ka." Ka boimamelo joale, ka tšabo, e mong le e mong.

Ke ankorile moea oa me koung ea phomolo,  
Ha ke sa tla sesisa leoatleng le befileng;  
Leha sefefo se le bohale, malibeng a tebileng,  
Ka ho Jesu ke bolokehile kamehla.

Ke ankorile moea oa me koung ea phomolo,  
Ha ke sa tla sesisa leoatleng le befileng;  
Leha sefefo se le matla, malibeng a tebileng,  
Ka ho Jesu ke bolokehile kamehla.

Nkhants'etse, (Mechaeli ea Khanya, Morena,)  
Morena, nkhants'etse,  
Leseli la Ntluleseli le nkhanisetse;  
Oh, nkhants'etse, Morena, nkhants'etse, (Ha re  
Mo phahamiseng matsoho a rona.)  
Leseli la ntluleseli nkhats'etse.

Ho tšoana le Jesu, (E, Morena.) ho tšoana le  
Jesu,  
Lefatšeng ke batla ho tšoana le Eena;  
Leetong la bophelo ho tsoa lefatšeng ho ea  
Khanyeng,  
Ke kōpa feela ho tšoana le Eena.

[Moena Branham o qala a binela lehlaso ka marameng—Mohl.]

...Oho 'Moloki ea khabane,  
Lefats'eng ke batla ho ts'oana le Eena;  
Leetong la bophelo ho tsoa lefatšeng ho ea  
Khanyeng,

<sup>261</sup> Na le ka rata ha Bophelo ba Hae bo phela ka ho uena, ho halimisa Boteng ba Hae? Haeba u rata, u eso etse joalo, na u ka emela thapelo? Ba ratang ho hopoloa thapelang. Molimo a le hlohonolofatse.

Sejelong sa Bethlehema... (Tsoang le sa eme joale, tsoang feelsa...) ... ho tsoile Mojaki, (U tla ba mojaki ho lefatše.)

Lefatšeng ke batla ho tšoana le Eena;  
Leetong la bophelo, ho tloha lefatšeng ho ea  
Khanyeng,

Ke kōpa feelsa ho tšoana le Eēna.

Feelsa ho tšoana le Jesu, ho tšoana le Je-... (Ke takatso ea ka eo.)

Lefatšeng ke batla feelsa ho tšoana le Eena;  
Leetong la bophelo, ho tloha lefatšeng ho ea  
Khanyeng,

Ke kōpa feelsa ho tšoana le Eēna.

[Moena Branham o qala a binela lehlaso ka marameng—Mohl.]

...tlase, boithobo le bonolo.

<sup>262</sup> Joale, Ntate ea Maholimong, ba bangata ba emeng ka maoto ba batla ho amohela Uena. Ba khathetse ke ho fefoha hohle, ba sa tsebe moo ba eang teng, kantle leqhubung la bophelo; ba tseba pelo e ka tšoha e ema pele letsatsi le chaba, ke moo khohlo e kholo, liphororo, li leng ka pela bona, moea o fefohang. Ba kile ba itšoanelia le bona, ba kile ba tšoana le lefatše, empa ba batla ho tšoana le Uena joale, Morena. Ba amohele 'Musong oa Hau, ke ba Hau, Ntate, hobane U tseba lipelo tsa bona le matheka a lipelo tsa bona. 'Me U ngotse joalo, oa e bolela ka melomo ea Hau, "Ea utloang Mantsoe a Ka, a lumela ho Ea Nthomileng, o na le Bophelo Bosafeleng." U boetse u boletse, Morena, "Ho lehlohonolo ea balang le ea utloang lipolelo tsa boporofeta ba Buka ena, hobane nako e atametse." Ba lemoha hobane nako e atametse. Ha ba sa tla hlola ba fefoha, Morena. Lahlela khole ea bophelo, ba hulele ka ho Uena, Morena. Ba ke ba qale bosiung bona, ba ntse ba khants'a Leseli la Jesu Kreste. Ke ba nehela Uena, Ntate Molimo, ka Lebitso la Jesu Kreste. Ba latele Morena ka boikokobetso kolobetsong mona kerekeng; kenya Bophelo Bosafeleng bophelong ba bona ba tle ba tšoane le Jesu matsatsi ohle a ho phela ha bona. Re e kopa ka Lebitso la Hae.

Feelsa ho tšoana le Jesu, ho tšoana le...

<sup>263</sup> Bang ba lona ba emeng pela bona kapa ba lutseng pela batho bao, e leng Bakreste, ntšang le tsukutlane le bona ka

matsoho. Le ba bee matsoho, "Ho bokoe Molimo ka baka la moea." Lialetare tsa rona mona li tletse bana le lintho, re sitoa ho ba nyollela mona.

Leetong la bophelo, ho tsoa lefatšeng ho ea  
Khanyeng,  
Ke kōpa feela ho tšoana le Eèna.  
Nkhants'etse, Oh, nkhants'etse,  
Leseli la ntluleseli, le nkhants'etse;  
Oh, nkhants'etse, Morena, nkhants'etse,  
Leseli la ntluleseli, nkhants'etse.

<sup>264</sup> Le ikutloa le thabile haholo? Na ha le ikutloe le thabile? Ha le a thabela ho ba Mokreste? Tsukutlana le motho ea lutseng pela hau ka matsoho joale, re sa ntse re tla bina sefela, *Re Tla Tsamaea Leseling*, Leseli le letle lena, Leseli la Morena Jesu Kreste le bonahatsoang nameng.

Re tla tsamaea Leseling, Leseli le letle joang,  
Tloo moo phoka e khantšoang ke mohau;  
Re chabele, letšeħare le bosiu,  
Jesu, Leseli la lefatše.

Se bineng, e mong le e mong:

Re tsamaee Leseling lena, ke Leseli le letle,  
Tloo moo phoka, e khants'oang ke mohau;  
Re chabele, letšeħare le bosiu,  
Jesu, Leseli la lefatše.

Tloong, tumisang lōna bohole ba Leseli,  
Jesu, Leseli la lefatše;  
Joale tleloko tsa Leholidmo li tla lla,  
Oho Jesu, Leseli la lefatše.

Re phahamise matsoho a rona joale:

Re tla tsamaea Leseling lena, Leseli le letle,  
Tloo moo phoka e khantšoang ke mohau;  
Re chabele, letšeħare le bosiu,  
Jesu, Leseli la lefatše.

Re tla 'na re tsamaea Leseling lena, Ke Leseli  
le letle joang,  
Le fihla moo phoka e khantšoang ke mohau;  
Re chabele feela, letšeħare le bosiu,  
Jesu, Ke Leseli la lefatše.

Re tla tsamaea Leseling lena (Leseli la  
Evangeli), Leseli le letle,  
Tloo moo phoka e khantšoang ke mohau;  
Re chabele, letšeħare le bosiu,  
Jesu, Leseli la lefatše.

<sup>265</sup> Morao tšimolohong, mane Pentekosta ha Moea o Halalelang o ne o tšolohela holima Kereke. Molaetsa o ile oa theoha oa

kena ho Smirna; mona ha ema Irenease, mohalaleli e moholo oa Molimo, o buile maleme, matla a Molimo, ho tsosa bafu, ho folisa bakuli, O ne a tsamaea Leseling. A lateloa ke Columba, mohalaleli e moholo ea matla oa Molimo. Le bahalaleli ba bang ba baholo ba jara Molaetsa ba theoha, ba tsamaea Leseling, Leseli la Evangel, lona Leseli le khants'itseng ka Letsatsi la Pentekosta; Kreste ea emeng mahareng a batho ba Hae, 'me likandelare tse supileng tseo tsa gauta li halimisa phatsimo ea Hae joaloka letsatsi mohla mofuthu oa lona.

<sup>266</sup> Ke rona bana ka 1961:

Re tla tsamaea Leseling lena, Ke Leseli le letle  
joang,  
Le fihla moo phoka e khants'oang ke mohau;  
Oh, re chabele rona let'share le bosiu,  
Oho Jesu, ke Leseli la lefatše.

Ha re emeng:

Re tla 'na re tsamaea Leseling lena, Ke Leseli  
le letle joang,  
Le fihla moo phoka e khants'oang ke mohau;  
Re chabele let'share le bosiu,  
Jesu, Leseli la lefatše.

Le a Mo rata na?

Kea Mo rata, kea Mo rata,  
Hoba (hoba feela) A nthatile pele,  
Le ho lefella poloko ea ka  
Fateng sa Kalvari.

<sup>267</sup> Ho se boeile linthong tsa lefatše hape. Ke shoole ka nqa ea lefatše le lefatše le shoele ho 'na. Ke tsamaea ka ho Kreste feela, ho tsamaisoa ke Moea o Halalelang. Ke a Mo rata hoba O nthata pele, le ho nkhangts'etsa mahlohonolo a Hae, ho nkotlollela letsoho le letona la bolekane kahara 'Muso oa Hae. Joale re bara le barali ba Molimo, 'me ha ho eso bonahale seo pheletso e tlang ho sona; empa re a tseba re tla fuoa 'mele o kang oa Hae o khanyang, hoba re tla 'Mona kamoo A leng kateng.

Ka hona re tla tsamaea Leseling, Leseli le letle,  
Le tlang ha phoka ea mehauhelo e khanyang;  
Re chabele let'share le bosiu,  
Jesu, Leseli la lefatše.

<sup>268</sup> Le Mo rata na? Le a tseba, ka morao ho molaetsa o khabelang le ntho eohle, ke rata ho utloa batho ba kena lifelong le ho tloha ba rorisa le ho rapela ka Moea. Ha ho letho le hlabolosang ho feta 'mino oa khale o monate. Ke hantle. Ke rata 'mino o monate oa pentekosta oa mehla-ea-khale; e seng mantsoe ao a koetlisitsoeng tlolo ba a sarolla ba ngaea ba pulufala sefahleho, ha ba tsebe seo ba se binang. Ke rata motho leha koanna a sa khone ho tšoara noutu kohara serotho feela o ruile Lehlohonolo

la Pentekosta, joale o bina ka lona. Oh, hase—hase lifela tse tlotlehileng tseo tsa sefapano hase le ho latsoeha! Oh, banna!

Sefela sa rona se qhalang joale:

Inkele Lebitso la Jesu,  
Ngoana masoabi le tllokotsi;  
Le tla u thabisa le u tselise,  
Le nke hohle moo u eang teng.

Hosane bosiu ka hora ea bosupa, hora ea bosupa holima hlooho, tšebeletso e a qala.

Lebitsong la Jesu ba inama,  
Ba namalla maotong a Hae,  
Kgosi'a dikgosi Lehodimong re tla Mo tlotla,  
Ha eto la rona le fedile.

Ha re bineng bohole mmoho joale:

Inkele Lebitso la Jesu,  
Ngoana masoabi le tllokotsi;  
Le tla u thabisa le u tselise,  
Oh, le nke hohle moo eang teng.

Bitso le ratoang, oho le monate!  
Tšepto ea lefatše le thabo ea Leholumō;  
Lebitso le ratehang, Oho le monate-nate! (le  
monate-nate!)

Tšepto ea lefatše le thabo ea Leholumō.

<sup>269</sup> Joale, re e qetella bosiusing bona. E...ke tsoa tsoa botsoa joale, "Ana tšebeletso ea hoseng e teng?" Che, e seng hosane, hosane le ka iphomolela hamonate. Mohlomong hosane bosiu, nke ke ka khona ho fetisa molaetsa oo, ke tla o nka letsatsi le hlahlamang. Nako efe ha ke hloleha ho...molaetsa ona o tletseng, ke o fetisetsa letsatsing le tlang. Empa re se re e hlophositse, ke a lumela re itokiselitse Mengoaha ea Kereke. Ha le joalo? Ho lokile.

Ha re inamiseng lihlooho tsa rona joale re sa binela tlase:

Lebitsong la Jesu ba inama, (Leleme ka leng le  
tla e bolela.)

Ba namalla maotong a Hae,  
Khosi'a likhosí Leholumong re tla Mo tlotla,  
Ha 'eto la rona le fetile

Bitso le ratoang, oho le monate!  
Tšepto ea lefatše le thabo ea Leholumō;  
Lebitso le ratehang, O le monate-nate! (le  
monate-nate!)

Tšepto ea lefatše le thabo ea Leholumō.



*PONO EA PATMOSE* SST60-1204E

(The Patmos Vision)

ATHERO LETOTO TSHENOLLO EA JESU KRESTE

Molaetsa wona, ka Moena William Marrion Branham, o rerilwe sethatong ka Senyesemane Sontaha mantsiboya, Tshitwe 4, 1960, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)